

校註婦人良方

中國醫學大成第九集

婦科類

校註婦人良方一

上海大東書局印行

校註婦人良方提要

宋陳自明編。自明字良父。臨川人。官建府醫學教授。是編凡分八門。調經、衆疾、求嗣、胎教、妊娠、坐月、產難、產後等。每門數十證。總二百六十餘論。論後附方案。婦人專科。始自唐昝殷產寶。其後有李師聖之產育寶慶集方。陸子正之胎產經驗方。大抵卷帙簡略。流傳甚少。自明採摭諸家。提綱絜領。於婦科證治。始稍稍闡明。明薛己醫案。曾以己意刪改。附入治驗。自爲一書。各論有陳無擇、熊鰲峰二先生評論治法。刪繁就簡。併入本論。原書各方。有合大劑者。今減作小方。庶得臨症損益。量病加減。其有常用者。悉仍其舊。其一十二卷。首論妊娠所禁之法。當爲遵守。其所用之藥。不可輕率。其補遺第二十四卷。各卷已備不錄。今補繭唇等一十四症方論。足成其卷。薛氏之用白芍。多用酒拌炒。因白芍之性味酸寒。產後用之於大補。入珍等湯內。以酒拌炒。用無妨。凡屬脾胃虛寒虛弱面色痿黃者。亦宜酒拌炒用之。是編刻於勤有書堂。爲明之原本。前有嘉熙元年自序。今重刻之。

序

病一也。而婦人爲難。醫一也。而識病爲難。夫病多始於七情。邃古之初。性靜情逸。精神純鬯。每治於未病之先。治之以不治也。以故藥不嘗。而躋上壽者比比。迨乎後世。恣情縱欲。精神耗而元氣索。病道日多。而醫效日尠。况婦人女子之性。陰濁勝而陽明微。喜怒哀樂。發而中節者寡。其爲病常浮於男子。什九欲診問以識所因。亦誠難矣。吳郡立齋薛君。雅好岐黃。素難之書。每爲人治病。察色辨脈。變藥立方。增除橫出。優游容與。俟其自然。不示功。不計程。期在必起。時精絕技。醫者不能及。尤旁通外科。女科之術。間取臨川陳良甫所著婦人良方篇帙。爲之補註。附以治驗。示余讀之。見其發揮經絡。揆度陰陽。網羅百病。凡婦人症。最人所難識者。彬彬可觀。蓋薛君生平精力不暇妄費。坐臥行住。須臾不離。嗚呼。斯亦觀其深矣。業醫者當自得之。

秀水石山沈謐撰

校註婦人良方目錄

卷一

調經門……………	一
月經序論……………	一
精血篇論……………	二
產寶方序論……………	六
王子亨方論……………	六
月水不調方論……………	七
月經不通方論……………	一〇
養生必用論病……………	一四
室女月水不通方論……………	一六
室女經閉成勞方論……………	一六

卷二

血枯方論……………	一八
月水不利方論……………	一九
月水行止腹痛方論……………	一九
月水不斷方論……………	二〇
殺血心痛方論……………	二六
暴崩下血不止方論……………	二六
帶下方論……………	三〇
崩中漏血生死脈方論……………	三三
白濁白淫方論……………	三六
天癸過期方論……………	三八
血分水分腫滿方論……………	三九

衆疾門……………一

產寶方論……………一

博濟方論……………二

寇宗奭論……………二

通用方序論……………三

卷二

中風諸症方論……………一

中風角弓反張方論……………二一

中風口噤方論……………二四

中風不語方論……………二六

風痺手足不遂方論……………三一

中風自汗方論……………三五

筋脈痠癢方論……………三七

虛風顛振方論……………三九

風寒臂痛方論……………四二

賊風偏枯方論……………四六

偏風口喎方論……………四九

血風怔忡驚悸方論……………五〇

失血過多心神不安方論……………五五

風邪顛狂方論……………五七

飛尸血厥方論……………五九

卷四

血風肢體骨節疼痛方論……………一

血風白虎歷節走疰方論……………四

血風癰癤搔痒方論……………九

虛風頭目眩暈方論……………一一

血風頭痛方論	一六
頸項強痛方論	二一
腰痛方論	二三
腰脚疼痛方論	二七
風邪脚氣方論	二九

卷五

勞瘵各注方論	一
二十四種蒸病論	三
骨蒸勞方論	九
血風勞氣方論	二〇
冷勞方論	二三

卷六

熱勞方論	一
客熱方論	五
寒熱方論	六
寡婦寒熱如瘧方論	九
惡寒方論	一一
血風煩悶方論	一二
血風攻脾不食方論	一二
夢與鬼交方論	一六
傷寒傷風方論	一八
熱入血室方論	一九
咳嗽方論	二一
咳嗽用溫藥方論	二七
勞嗽方論	三一
喘滿方論	三五

風痰積飲咳嗽方論……………三九
心胸嘈雜方論……………四一

卷七

嘔吐方論……………一
霍亂方論……………六
翻胃吐食方論……………一三
血膈方論……………一七
鼻血方論……………一九
吐血方論……………二二
痲癖諸氣方論……………二七
痛瘦方論……………三一
八瘕方論……………三三
腹中瘕血方論……………三四

卷八

瘕痞方論……………三七
食癥方論……………三八
積年血癥方論……………三八
血氣心痛方論……………三九
血氣心腹疼痛方論……………四一
血氣小腹痛方論……………四四
兩脇脹痛方論……………四五
心腹脹滿方論……………四九
小便淋瀝不通方論……………一
轉脬小便不利方論……………五
小便數方論……………七
遺尿失禁方論……………九

小便出血方論	一二
大便不通方論	一五
老弱風人便秘戒用利藥方論	一七
泄痢秘結方論	一九
泄瀉方論	二二
協熱下利方論	二八
帶下方論	二九
痢後嘔噦方論	三六
大便下血方論	四〇
痔瘻方論	四三
脫肛方論	四四
陰腫方論	四六
陰癢方論	四七

卷九

陰冷方論	四九
陰挺下脫方論	五〇
陰中生瘡方論	五一
交接傷丈夫頭痛方	五三
交接輒痛出血方	五三
交接他物所傷方	五四
小戶嫁痛方	五五
求嗣門	一
陳無擇求子論	一
褚尙書求男論	三
無子論	三
千金翼求子方論	四

卷十

交會禁忌……………四
 男子受胎時日法……………五
 推支干旺相日法……………五
 推每月宿日法……………五
 求子服藥須知……………六
 溫隱居求嗣保生篇……………一二

胎教門

妊娠總論……………一
 受形論……………三
 受形篇……………四
 論胎教……………五
 孕元立本章……………五

卷十一

候胎門

凝形殊稟章……………九
 氣質生成章……………一二
 轉女爲男法……………一五
 脈例……………一
 診婦人有妊歌……………二
 驗胎法……………七
 胎殺避忌產前將護法……………七
 食忌論……………九
 孕婦藥忌歌……………一〇

卷十一

妊娠疾病門……………一

隨月服藥將息法……………一

惡阻方論……………一三

痰逆不食方論……………一五

胎動不安方論……………一七

漏胎下血方論……………二〇

卒然下血方論……………二一

驚胎及僵仆方論……………二三

胎上逼方論……………二六

下如豆汁胎動腹痛方……………二八

誤服毒藥胎動方……………三〇

心痛方論……………三一

心腹痛方論……………三三

中惡方論……………三四

腰腹背痛方論……………三五

小腹痛方論……………三七

心腹脹滿方論……………三八

卷十二

數墮胎方論……………一

胎不長方論……………二

胎動不安當下方論……………四

墮胎後血下方論……………五

未足月欲產方論……………七

斷產方論……………九

咳嗽方論……………一〇

吐血衄血方論……………一三

子煩方論……………一五

煩躁口乾方論……………一七

卷十四

中風方論……………一

風痙方論……………二

瘕癥方論……………四

鬼胎方論……………五

傷寒方論……………七

時氣方論……………一

熱病方論……………二

傷寒熱病防損胎方論……………五

熱病胎死腹中方論……………六

瘧疾方論……………七

霍亂方論……………二三

卷十五

泄瀉方論……………一

下痢黃水方論……………三

大小便不通方論……………五

小便不通方論……………八

子淋方論……………〇

遺尿方論……………三

尿血方論……………四

胎水腫滿方論……………六

腹內鐘鳴方論……………九

龔彥德孕癰方……………九

不語論……………〇

傷食方論……………〇

臟燥悲傷方論……………二二

卷十六

坐月門……………一

產寶方周頊序……………一

將護孕婦論……………二

滑胎例……………二

月空方位例……………五

逐月安產藏衣忌向方

位……………五

推婦人行年法……………八

體玄子借地法……………一四

禁草法……………一五

禁水法……………一五

入月預備藥物……………一六

催生靈符……………一七

卷十七

產難門……………一

產難論……………一

楊子建十產論……………三

催生方論……………六

交骨不開產門不閉方

論……………九

郭稽中產難方論……………一一

產難子死腹中方論……………一二

產難生死訣……………一三

卷十八

產後門……………一

產後將護法……………一

產後調理法……………二

產後通用方……………三

胸衣不出方論……………三

產後血暈方論……………五

產後顛狂方論……………八

產後狂言譫語方論……………九

產後不語方論……………一〇

卷十九

乍見鬼神方論……………一

心神驚悸方論……………三

中風心驚方論……………四

中風恍惚方論……………六

虛極生風方論……………七

虛汗不止方論……………九

冒悶汗出方論……………一二

汗多變瘳方論……………一三

口噤腰背反張方論……………一五

中風方論……………一六

四肢筋攣方論……………一七

瘳癱方論……………一八

脚氣方論……………二一

卷二十

遍身疼痛方論……………一

腰痛方論……………三

惡露不絕方論·····	五
惡露不下方論·····	七
惡露上攻心痛方論·····	七
惡露腹痛方論·····	九
兒枕腹痛方論·····	一〇
小腹痛方論·····	一一
寒疝腹痛方論·····	一二
兩脇脹痛方論·····	一三
積聚癥塊方論·····	一五
血瘕方論·····	一六
餘血奔心煩悶方論·····	一七
虛煩發熱方論·····	一八

卷二十一

口乾痞悶方論·····	一
血渴方論·····	二
乍寒乍熱方論·····	四
瘧疾方論·····	六
蓐勞方論·····	七
虛羸方論·····	九
風虛冷勞方論·····	一〇
腹脹嘔吐方論·····	一一
嘔逆不食方論·····	一二
霍亂方論·····	一五

卷二十二

寒熱方論·····	一
頭痛方論·····	三

咳嗽方論……………四

喉中氣急促喘方論……………七

口鼻黑鼻衄方論……………八

咳噫方論……………九

血崩方論……………一〇

月水不調方論……………一二

月水不通方論……………一三

四肢浮腫方論……………一四

腹痛瀉利方論……………一六

赤白痢方論……………一八

卷二十一

痢疾作渴方論……………一

大便秘瀆方論……………二

大小便不通方論……………四

遺糞方論……………四

諸淋方論……………六

小便頻數方論……………七

小便不禁方論……………九

小便出血方論……………一〇

陰脫玉門不閉方論……………一三

陰蝕疔方論……………一四

乳少或止方論……………一五

乳出方論……………一七

吹乳方論……………一八

妬乳方論……………一八

卷二十四

瘡瘍門	一
菌脣方論	一
耳聾痛方論	一二
瘰癧方論	一六
結核方論	二四
流注方論	三一
血風瘡論	三八
赤白遊風方論	四三
疔疔方論	四六
鶴膝風方論	五一
下注賺瘡方論	五四
足跟瘡腫方論	五九
肺癰方論	六二
腸癰方論	六七

乳癰乳巖方論……………七一

校註婦人良方

宋 臨川 陳自明良甫編輯
明 古吳 薛 己立齋補註

鄞縣 曹赤電炳章圈校

卷一

調經門

凡醫婦人先須調經故以爲首

月經序論第一

岐伯曰。女子七歲。腎氣盛。齒更髮長。二七而天癸至。任脈通。太衝脈盛。月事以時下。天謂天真之氣。癸謂壬癸之水。故云天癸也。然衝爲血海。任主胞胎。二脈流通。經血漸盈。應時而下。常以三旬一見。以像月盈則虧也。若遇經行。最宜謹慎。否則與產後症相類。若被驚怒勞役。則血氣錯亂。經脈不行。多致勞瘵等疾。若逆於頭

面肢體之間。則重痛不寧。若怒氣傷肝。則頭暈脇痛嘔血。而瘰癧癰瘍。若經血內滲。則竅穴淋瀝無已。凡此六淫外侵。而變症百出。犯時微若秋毫。成患重如山岳。可不畏哉。

愚按血者。水穀之精氣也。和調五臟。洒陳六腑。在男子則化爲精。在婦人上爲乳汁。下爲血海。故雖心主血。肝藏血。亦皆統攝於脾。補脾和胃。血自生矣。凡經行之際。禁用苦寒辛散之藥。飲食亦然。詩云。婦人和平。則樂有子。和則陰陽不乖。平則氣血不爭。故經云。平和之氣。三旬一見。可不慎歟。

精血篇論第一

齊大夫褚澄遺書

飲食五味。養骨髓肌肉毛髮。男子爲陽。陽中必有陰。陰中之數八。故一八而陽精升。二八而陽精溢。女子爲陰。陰中必有陽。陽中之數七。故一七而陰血升。二七而陰血溢。皆飲食五味之寶秀也。方其升也。智慮開明。齒牙更始。髮黃者黑。筋弱者強。暨其溢也。凡充身體手足耳目之餘。雖針芥之歷。無有不下。凡子形肖父母者。以其精血。嘗於父母之身。無所不歷也。是以父一肢廢。則子一肢不肖其父。母一

目虧。則子一目不肖其母。然雌鳥牝獸。無天癸而成胎何也。鳥獸精血往來尾間也。精未通而御女以通其精。則五體有不滿之處。異日有難狀之疾。陰已痿而思色以降其精。則精不出而內敗。小便澀而爲淋精。已耗而復竭之。則大小便牽痛。愈痛則愈便。愈便則愈痛。女人天癸既至。踰十年無男子合。則不調。未踰十年思男子合。亦不調。不調則舊血不出。新血誤行。或漬而入骨。或變而爲腫。後雖合而難子。合多則瀝枯。虛人產衆。則血枯殺人。觀其精血。思過半矣。

愚按丹溪先生云。人受天地之氣以生。天之陽氣爲氣。地之陰氣爲血。故氣常有餘。血常不足。夫人之生也。男子十六歲而精通。女子十四歲而經行。故古人必待三十二十而後嫁娶。可見陰氣之難成。而養之必欲其固也。經曰。年至四十。陰氣自半。而起居衰矣。夫陰氣之成。止供給得三十年之運用。况男子六十。四歲而精絕。女子四十九歲而經斷。夫腎乃陰中之陰也。主閉藏者。肝乃陰中之陽也。主疎泄者。然而二臟皆有相火。其系上屬於心。心火一動。則相火翕然而從之。所以丹溪先生只是教人收心養性。其旨深矣。天地以五行更迭衰旺而成四時。人之五臟六腑。亦應之而衰旺。如四月屬巳。五月屬午。爲火大旺。火

爲肺金之夫。火旺則金衰。六月屬未。爲土大旺。土爲水之夫。土旺則水衰。况腎水嘗藉肺金爲母。以補其不足。古人於夏月必獨宿而淡味。兢兢業業。保養金水二臟。正嫌火土之旺爾。經又曰。冬藏精者。春不病溫。十月屬亥。十一月屬子。正火氣潛藏。必養其本然之真陰。以助來春生發之氣。則春末夏初。無頭痛。脚軟。食少。體熱。注夏之病矣。竊謂人之少有老態。不耐寒暑。不勝勞役。四時迭病。皆因氣血方長。而勞心虧損。或精血未滿。而早斲喪。故見其症。難以名狀。若左尺脈虛弱。或細數。是左腎之真陰不足也。用六味丸。右尺脈遲軟。或沉細而數。欲絕。是命門之相火不足也。用八味丸。至於兩尺微弱。是陰陽俱虛。用十補丸。此皆滋其化源也。不可輕用黃柏。知母之類。設或六淫外侵。而見諸症。亦因其氣內虛。而外邪湊襲。尤宜用前藥。

附治驗

男子陰痿精耗治
見內科摘要

一婦人年三十有七。早孀居。兩腿骨作痛。晡熱體倦。月經不調。或發寒熱。數年矣。一日頸項兩側結核。兩脇脹痛。此係肝經鬱火而成也。先用小柴胡湯。合四物數劑。肝症頓愈。又用加味逍遙散。加澤蘭。乳香。沒藥。三十劑。血症漸痊。再用加

味歸脾等藥。年餘而安。

一孀婦兩腿作痛。或用除濕化痰等藥。通身作痛而無定處。余曰。此血症也。不信。乃服流氣飲之類而歿。

一放出宮人。年四十餘。臀腿內股作痛。晡熱口乾。月經不調。此係肝經血少。不能養經絡而然也。宜用加味逍遙散。加澤蘭葉。五十餘劑。諸症稍緩。又以歸脾湯兼服二百餘劑而痊。

一放出宮人。臀腿腫痛。內熱晡熱。惡寒體倦。咳嗽胸痞。月經過期而少。彼以爲氣毒流注。服清熱理氣之劑。益甚。余曰。此乃肝經瘀血停留所致。蓋肝經上貫鬲。布脇肋。循喉嚨。下循咽內。賺繞陰器。抵少腹。主治之法。但當補其所不勝。而制其所勝。補者脾也。制者肝也。經曰。虛則補之。實則瀉之。此定法也。彼不信。仍服前藥。遂致不起。

附方

六味丸

八味丸

十補丸 三方見二十四卷第十一論

小柴胡湯 方見二十四卷第二論

四物湯 方見二十四卷第六論

加味逍遙散

加味歸脾湯二方見二十四卷第四論

產寶方序論第二

大率治病。先論其所主。男子調其氣。女子調其血。氣血者。人之神也。然婦人以血爲基本。苟能謹於調護。則血氣宜行。其神自清。月水如期。血凝成孕。若脾胃虛弱。不能飲食。榮衛不足。月經不行。肌膚黃燥。面無光澤。寒熱腹痛。難於子息。或帶下崩漏。血不流行。則成瘦症。

愚按前症若婦人脾胃久虛。以致氣血俱衰。遂而月經不行。宜補其胃氣。滋其化源。或患中消胃熱。津液不生。而致血海乾涸。宜清胃補脾。其經自行矣。經曰。胃者衛之源。脾者榮之本。鍼經曰。榮出中焦。衛出上焦。衛不足。益之必以辛。榮不足。補之必以甘。甘辛相合。脾胃健而榮衛生。是以氣血俱旺也。或因勞心。虛火妄動。月經錯行。宜安心補血瀉火。此東垣先生治法也。

王子亨方論第四

論曰。經者常候也。謂候其一身之陰陽愆伏。知其安危。故每月一至。太過不及。皆爲不調。陽太過則先期而至。陰不及則後時而來。其有乍多乍少。斷絕不行。崩漏不止。皆由陰陽衰盛所致。

愚按。經云。脾統血。肝藏血。此症多因恚怒傷肝。鬱結傷脾所致。當從二經爲主。而參以前論治之。

月水不調方論第五

婦人月水不調。由風邪乘虛客於胞中。而傷衝任之脈。損手太陽少陰之經。蓋衝任之脈。皆起於胞中。爲經絡之海。與手太陽小腸。手少陰心經爲表裏。上爲乳汁。下爲月水。然月水乃經絡之餘。苟能調攝得宜。則經應以時矣。

愚按。經曰。飲食入胃。遊溢精氣。上輸於脾。脾氣散精。上歸於肺。通調水道。下輸膀胱。水精四布。五經並行。東垣先生所謂脾爲生化之源。心統諸經之血。誠哉是言也。竊謂心脾平和。則經候如常。苟或七情內傷。六淫外侵。飲食失節。起居失宜。脾胃虛損。心火妄動。則月經不調矣。又丹溪先生云。先期而至者。血熱也。

後期而至者。血虛也。愚所謂先期而至者。有因脾經血燥。有因脾經鬱火。有因肝經怒火。有因血分有熱。有因勞役火動。過期而至者。有因脾經血虛。有因肝經血少。有因氣虛血弱。主治之法。脾經血燥者。加味逍遙散。脾經鬱火者。歸脾湯。肝經怒火者。加味小柴胡湯。血分有熱者。加味四物湯。勞役火動者。補中益氣湯。脾經血虛者。人參養榮湯。肝經血少者。六味地黃丸。氣虛血弱者。八珍湯。蓋血生於脾土。故云脾統血。凡血病當用苦甘之劑。以助陽氣而生陰血也。

附治驗

一婦人發熱口乾。月經不調。兩腿無力。或用祛風滲濕之劑。腿痛體倦。二膝浮腫。經事不通。余作足三陰經。血虛火燥。名鶴膝風。用六味。八味二丸。兼服兩月。形體漸健。飲食漸進。膝腫漸消。半載而痊。

一婦人月事未期而至。發熱自汗。或用清熱止汗之劑。作渴頭眩。手掉身麻。余曰。此肝經血虛火動。火爲陽。陽盛則生風。用柴胡。炒芩。連。山梔。歸。芍。生地。丹皮。各一錢。參。耆。苓。朮。各一錢半。川芎。七分。甘草。五分。二劑汗止。更用補中益氣而愈。

一婦人經行勞役。忽然昏憤。面赤吐痰。余曰。此乃去血過多。陽無所附故耳。急飲

童便碗許。神思漸爽。更用參、耆各五錢。芎、歸各三錢。玄參、柴胡、山梔、炙草各一錢。一劑。又用逍遙散。加五味、麥門。二劑。如此月餘漸愈。但體倦面黃。又以十全大補。加五味、麥門治之而愈。

一婦人性善怒。產後唇腫內熱。或用清熱敗毒散。唇口腫脹。日晡熱甚。月水不調。再用降火化痰。遂令食少作嘔。大便不實。唇出血水。又用理氣消導。胸膈痞滿。頭目不清。唇腫經閉。又用清胃行血。肢體倦怠。發熱煩躁。涎水湧出。又欲用通經之劑。余曰。病本七情。肝脾虧損。又數行攻伐。故元氣之益虛耳。法當補陰益陽。遂以濟生歸脾湯。加味逍遙散。補中益氣湯調治。元氣漸復。諸症悉愈。

薑黃散

治瘀血凝滯。肚腹刺痛。或腹脹發熱。口乾等症。

薑黃

當歸

酒拌各二錢

蓬朮醋炒

紅花

桂心

川芎

玄胡索炒

牡丹皮各五分

右水酒各一半煎服。

醋附丸 治元臟虛冷。月候不調。頭眩少食。渾身寒熱。腹中急痛。赤白帶下。心忡氣悶。血中虛寒。胎氣不固。用醋煮香附半觔。焙為末。醋糊丸。桐子大。每服三四

十九。米飲下。

愚按前症若元臟虛寒。手足厥冷。用八味丸。手足發熱。用六味丸。氣血不足。用八珍湯。中氣不足。用補中益氣湯。脾氣不足。用六君子湯。脾氣鬱結。用歸脾湯。若例用香散之劑。恐陽氣燥而陰血漸衰也。

附方

加味逍遙散

八珍湯

歸脾湯三方見二十四卷第四論

加味小柴胡湯

方見二十四卷第二論

加味四物湯

六君子湯

補中益氣湯三方見二十四卷第六論

人參養榮湯方見二十四卷第三論

八味丸

六味丸二方見二十四卷第十一論

月經不通方論第六

婦人月水不通。或因醉飽入房。或因勞役過度。或因吐血失血。傷損肝脾。但滋其化源。其經自通。若小便不利。若頭眩痛。腰背作痛。足寒時痛。久而血結於內。變為癥瘕。若血水相併。脾胃虛弱。壅滯不通。變為水腫。若脾氣衰弱。不能制水。水漬肌

肉變爲腫滿。當益其津液。大補脾胃。方可保生。

愚按。經水陰血也。屬衝任二脈。上爲乳汁。下爲月水。其爲患。有因脾虛而不能生血者。有因脾鬱而血不行者。有因胃火而血消燦者。有因脾胃損而血少者。有因勞傷心而血少者。有因怒傷肝而血少者。有因腎水不能生肝而血少者。有因肺氣虛不能行血者。治療之法。若脾虛而不行者。調而補之。脾鬱而不行者。解而補之。胃火而不行者。清而補之。脾胃損而不行者。溫而補之。勞傷心血而不行者。逸而補之。怒傷肝而不行者。和而補之。肺氣虛而不行者。補脾胃。腎虛而不行者。補脾肺。經云。損其肺者益其氣。損其心者調其榮衛。損其脾者調其飲食。適其寒暑。損其肝者緩其中。損其腎者益其精。皆當審而治。

附治驗

一婦人停食。飽悶發熱。或用人參養胃湯。益甚。再用木香檳榔丸。泄瀉吐痰。腹中成塊。飲食少思。又用二陳。黃連。厚朴之類。前症益甚。腹脹不食。月經不至。余以爲胃氣虧損。用補中益氣。加茯苓。半夏。三十餘劑。脾胃健而諸症愈。又二十餘劑而經自行。

一婦人飲食後。或腹脹。或吞酸。彼服枳朮丸。吞酸益甚。飲食日少。胸膈痞滿。腿內酸痛。畏見風寒。又服養胃湯一劑。腿內作痛。又二劑。腿膝淫腫。月經不行。余謂鬱結所傷。脾虛濕熱下注。侵晨用四君二陳芎歸。年後。以前湯送越鞠丸。飲食漸進。諸症漸愈。又用歸脾八珍二湯。兼服兩月餘。而經行。

一婦人性耽多慮。月經不行。胸滿少食。或作脹。或吞酸。余以爲中氣虛寒。用補中益氣。加砂仁、香附、煨薑二劑。胸膈和而飲食進。更以六君子、加芎、歸、貝母、桔梗、生薑、大棗數劑。脾胃健而經自調矣。

一婦人素有胃火。或用清胃飲而安。後因勞役燥渴內熱。肌肉消瘦。月經不行。余謂此胃火消燦陰血。用逍遙散。加丹皮、炒梔。以清胃熱。用八珍湯。加茯苓、遠志。以養脾血。而經自行矣。

一婦人久患瘧。形體怯弱。內熱晡熱。自汗盜汗。飲食少思。月事不行。或用通經丸。虛症悉具。余曰。此因虛而致瘧。因瘧以閉經也。用補中益氣。及六味地黃丸。各百餘劑。瘧愈而經自行。

一婦人久患瘧。瘧作則經不行。形虛脈大。頭痛懶食。大便泄瀉。小便淋瀝。口乾唇

裂內熱腹膨。蓋由久瘧。正氣已虛。陰火獨旺。用補中益氣湯治之。尋愈。惟不時頭痛。乃加蔓荊子而痛止。又兼用六味地黄丸而經行。

一婦人因勞耳鳴。頭痛體倦。此元氣不足。用補中益氣加麥門、五味而痊。三年後得子。因飲食勞倦。前症益甚。月經不行。晡熱內熱。自汗盜汗。用六味地黄丸。補中益氣湯頓愈。

一婦人胃氣素弱。為哭母吐血咳嗽。發熱盜汗。經水三月不行。余以為悲則傷肺。思則傷脾。遂朝服補中益氣。加桔梗、貝母。知母。夕用歸脾湯。送地黄丸而愈。

一癯婦少寐。經水兩月餘一至。誤服通經丸。展轉無寐。午前惡寒。午後發熱。余以為思慮虧損脾血。用歸脾湯作丸。午前以六君送下。午後以逍遙散送下。兩月餘得寐。半載經行如期。年餘而瘡愈。餘詳見各門。

附方

補中益氣湯

四君子湯

六君子湯

三方見二十四卷第六論

二陳湯

方見二十四卷第五論

越鞠丸

方見六卷第七論

歸脾湯

逍遙散

八珍湯

三方見二十四卷第四論

清胃散

方見二十四卷首論

六味丸 方見二十四卷第十一論

養生必用論病第七

初虞世云。女子十四。天癸至。任脈通。月事以時。於是有子。天癸者。物之自然。月者。以月至。經者。有常也。其來過與不及。皆謂之病。若榮血虧損。不能滋養百骸。則髮落面黃。羸瘦燥熱。燥氣盛。則金受邪。金受邪。則爲咳。爲嗽。爲肺癰。爲肺痿。必矣。但助胃壯氣。則榮血生。而經自行。須慎飲食。調七情。保神氣。庶可得生。若暴怒氣逆。經閉不行。當用行氣破血之劑。

愚按。劉宗厚先生云。榮者。水穀之精。和調於五臟。灑陳於六腑。乃能入於脈也。源源而來。化生於脾。總統於心。藏受於肝。宣布於肺。施泄於腎。灌漑一身。目得之而能視。耳得之而能聽。手得之而能握。足得之而能步。臟得之而能液。腑得之而能氣。注之於脈。少則澹。充則實。常以飲食滋養。則陽生陰長。變化而爲血。諸經恃此。則百脈長養。耗竭則百脈空虛。可不慎哉。若陰氣一傷。變症百出。妄行於上。則吐衄。衰涸於下。則癃閉。血滲腸間。則爲腸風。陰虛陽搏。則爲崩中。濕

蒸熱瘀則為帶下。熱極腐化則為膿血。火極似水則血紫黑。熱勝於陰發為瘡。瘍濕滯於血則為痛癢癰疹。蓄之在上則善忘。蓄之在下則善狂。

琥珀散 治心膈迷悶。肚腹撮痛。月信不通等疾。
烏藥二兩 當歸一兩 蓬朮一兩

右為末。每服二錢。溫酒調。

萬病丸 治月經瘀閉。臍腹作痛。及產後癥瘕等病。

乾漆炒烟出青 牛膝酒浸焙

右為末。生地黄汁一升。砂器慢火熬膏。丸桐子大。每服二十九。空心米飲下。仍

參前論主之。

紅花當歸散 治經候不行。腰膝重痛。小腹堅硬。

紅花 當歸尾酒拌 紫葳 牛膝酒製

甘草炙 蘇木各二錢 白芷 桂心各半錢

赤芍藥炒一 劉寄奴去根五錢

右為末。每服三錢。溫酒調。

室女月水不通方論第八

論曰。夫衝任之脈。起於胞內。為經脈之海。手太陽小腸。手少陰心。二經為表裏。女子二七而天癸至。腎氣全盛。衝任流通。經血既盈。應時而下。否則不通也。

愚按前症若稟陰血不足。用四物參苓。怒傷肝血。用加味逍遙散。鬱結傷脾。用加味歸脾湯。肝火拂鬱。用加味小柴胡湯。胃經積熱。用加味清胃散。餘當參考前論。

附方

四物湯 方見二十四卷第六論

加味逍遙散

加味歸脾湯 方見二十四卷第四論

加味小柴胡湯 方見二十四卷第二論

加味清胃散 方見二十四卷首論

室女經閉成勞方論第九

寇宗奭曰。夫人之生。以氣血為本。人之病。未有不先傷其氣血者。若室女童男。積想在心。思慮過度。多致勞損。男子則神色消散。女子則月水先閉。蓋憂愁思慮則

傷心而血逆竭。神色先散。月水先閉。且心病則不能養脾。故不嗜食。脾虛則金虧。故發嗽。腎水絕則木氣不榮。而四肢乾痿。故多怒。鬢髮焦。筋骨痿。若五臟傷。遍則死。自能改易心志。用藥扶持。庶可保生。切不可用青蒿、蟲蟲等涼血行血。宜用柏子仁丸、澤蘭湯。益陰血。制虛火。

愚按經云。五穀入於胃。其糟粕、津液、宗氣、分爲三隧。故宗氣積於胸中。出於喉嚨。以貫心肺。而行呼吸。榮氣者。祕其津液。注之於脈。化以爲血。以榮四末。內養五臟六腑。若服苦寒之劑。復傷胃氣。必致不起。

附治驗

一室女年十七。癰久不愈。天癸未通。發熱咳嗽。飲食少思。欲用通經丸。余曰。此蓋因稟氣不足。陰血未充故耳。但養氣血。益津液。其經自行。彼惑於速效。仍用之。余曰。非其治也。此乃慄悍之劑。大助陽火。陰血得之則妄行。脾胃得之則愈虛。後果經血妄行。飲食愈少。遂致不救。

柏子仁丸

柏子仁研 別

牛 膝酒製

卷 柏各半

澤蘭葉 一兩

右為末。蜜丸。桐子大。每服三十丸。空心米飲下。

澤蘭湯

澤蘭葉二錢

當歸

芍藥炒各一錢

甘草炙五分

用水煎服。

劫勞散 治勞嗽發熱盜汗。體瘦。唾中有紅。或成肺痿。

白芍藥炒一錢

黃耆炒

甘草炒

人參

五味子炒

當歸

半夏薑製

白茯苓

熟地黄自製

阿膠炒各五分

右薑棗水煎。日三服。鄉人楊元鼎女及笄。病此甚危。百藥無效。偶遇名醫。得此方服三十餘劑。遂愈不發。

血枯方論第十 出路龍吉方

腹中論曰。有病胸脇滿。妨於食。病至則先聞腥臊臭。出清液。四肢痛。目眩。時時前後血。病名曰血枯。此年少時。因大脫血。或醉而入房。虧損腎肝。蓋肝藏血。受天一

之氣以爲滋榮。其經上貫膈。布脇肋。若脫血失精。肝氣已傷。肝血枯涸不榮。而胸脇滿。妨於食。則肝病傳脾。而聞腥臊臭。出清液。若以肝病而肺乘之。則脫血。四肢痛。目眩。時時前後血出。皆肝病血傷之症也。

愚按前症若飲食起居失宜。而脾胃虛損。當滋化源。而佐以烏賊丸等藥。若因脾土虛寒。而不能生血。宜補命門火。若服燥藥。鬱火內作。而津液消燦。宜清熱養血。若脾胃虧損。而氣血虛。宜補中益氣。若胃熱消中。而血液耗損。宜清脾胃之火。若大便秘澀。小便清利。而經不行。宜清胞絡之火。若勞傷心火。血涸而經不行。宜補心養血。仍參看前第三論主治。

附治驗

一婦人久患血崩。肢體消瘦。飲食到口。則聞腥臊。日出清液。每食少許。腹中作脹。此血枯之症。肺肝脾胃虧損之患。用八珍湯。烏賊骨丸。兼服兩月。而經行。百餘劑而安。

烏賊魚骨丸

烏賊魚骨去甲四兩
茵 茹一兩

右爲末。以雀卵丸。小豆大。每服五丸。加至十丸。鮑魚煎湯下。以飯壓之。

熟地黃湯

治大脫血。或醉入房。月事不行。以致前症。

熟地黃自製

澤蘭葉

白茯苓

五味子并炒

附子炮

禹餘糧製

當歸

酒製各五分

右爲末。每服三錢。水煎空心服。

附方

八珍湯

方見二十四卷第四論

茯苓補心湯 治婦人心氣虛耗。不能主血。又不能制乎肺。金氣得以乘乎肝木。

肝既虧損。則血不能藏。漸致精血枯涸。月事不調。此方專補心元之虛。抑其肺

氣。調和榮衛。滋養血脈。

前方參蘇飲內。除木香與四物湯對勻和。每服四錢。以薑棗煎溫服。此方常進。

用以治宮娥多效。

月水不利方論第十一

婦人月水不利者。由勞傷氣血。體虛而風寒客於胞內。傷於衝任之脈故也。若寸脈弦。關脈沉。是肝病也。兼主腹痛。孔竅生瘡。尺脈滑。血氣實。經絡不利。或尺脈絕不至。兼主小腹引腰痛。氣攻胸膈也。

愚按前症屬肝膽二經。蓋肝膽相為表裏。多因恚怒所傷。若本經風熱。用補肝散。血虛用四物加酸棗仁。若腎水不足。用六味丸。若患諸瘡瘍。治見第八卷。二十四卷。

牛膝散 治月水不利。臍腹作痛。或小腹引腰。氣攻胸膈。

牛膝酒製

桂心

赤芍藥炒

桃仁去皮

玄胡索炒

當歸酒浸

牡丹皮各一兩

木香三錢

右為末。每服一錢。溫酒調下。或每服三五錢。水煎。

附方

補肝散方見七卷第十七論

四物湯方見二十四卷第六論

六味丸方見二十四卷第十一論

月水行止腹痛方論第十一

婦人經來腹痛。由風冷客於胞絡衝任。或傷手太陽少陰經。用溫經湯。桂枝桃仁湯。若憂思氣鬱而血滯。用桂枝桃仁湯。地黃通經丸。若血結而成塊。用萬病丸。愚按前症若風寒傷脾者。六君加炮薑。思慮傷血者。四物加參朮。思慮傷氣者。歸脾加柴梔。鬱怒傷血者。歸脾。逍遙兼服。餘參前後論治之。

附治驗

一婦人經行腹痛。食則嘔吐。肢體倦怠。發熱作渴。此乃素稟氣血不足。用八珍湯二十餘劑而愈。後生子。二年而經不行。前症仍作。服八珍湯。逍遙散百餘劑方愈。

地黃通經丸 治月經不行。或產後惡露。臍腹作痛。

熟地黃

自製四兩

蟲

去頭翅妙

水

蛭

糯米同炒

桃

仁

去皮尖各五十枚

右爲末。蜜丸。桐子大。每服五七丸。空心溫酒下。

萬病丸

方見

溫經湯 治寒氣客於血室。以致血氣凝滯。臍腹作痛。其脈沉緊。

當歸

川芎

芍藥

桂心

蓬 朮醋炒

牡丹皮各五

人參

牛膝

甘草七炒各分

右水煎服。

桂枝桃仁湯 治經脈頓然不行。腹中作痛。或上攻心脇欲死。或因經脈不行。漸

成積塊。臍下如覆杯。

桂枝

芍藥

生地黄各二錢

桃

仁七枚去尖

甘草一錢

右薑水煎。

若因七情鬱結。血隨氣滯者。宜服此湯。如不瘥。用地黃通經丸。已成血塊者。用

萬病丸。方見前

愚按前症若肝經怒氣。用加味逍遙散。若肝經血虛。用四物、參、朮、柴胡、牡丹皮。

若肝經血熱。用四物、牡丹皮。若肝腎虛火。用六味地黃丸。若肝脾血虛。用八珍

加牡丹皮。若肝脾鬱怒。用加味歸脾湯。若氣虛血弱。用補中益氣湯。若脾不能

攝血。用六君子加川芎、當歸。若肝虛不能藏血。用補肝散。

附方

六君子湯

四物湯二方見二十卷第六論

歸脾湯

逍遙散

八珍湯三方見二十四卷第四論

月水不斷方論第十二

婦人月水不斷。淋瀝腹痛。或因勞損氣血而傷衝任。或因經行而合陰陽。以致外邪客於胞內。滯於血海故也。但調養元氣而病邪自愈。若攻其邪則元氣反傷矣。愚按前症若鬱結傷脾。用歸脾湯。恚怒傷肝。逍遙散。肝火妄動。加味四物湯。脾氣虛弱。六君子湯。元氣下陷。補中益氣湯。熱傷元氣。前湯加五味、麥門、炒黑黃柏。

附治驗

一儒者錢思習子室。年三十餘。無嗣。月經淋瀝無期。夫婦異處幾年矣。思習欲爲娶妾。以謀諸余。余意此鬱怒傷肝。脾虛火動。而血不歸經。乃肝不能藏。脾不能攝也。當清肝火。補脾氣。遂具加味歸脾、逍遙二藥四劑。送至其家。仍告其姑曰。

服此病自愈。而當受胎。妾可無娶也。果病愈。次年生子。

一婦人性急。每怒則太陽耳項喉齒胸乳作痛。則胸滿吞酸。吐瀉少食。經行不止。此皆肝火之症。肝自病則外症見。土受尅則內症作。余先以四物加白朮、茯苓、柴胡、炒梔、炒龍膽、清肺養血。次用四君加柴胡、芍藥、神麩、吳茱萸、炒黃連。以培土制肺。漸愈。惟月經不止。是血分有熱。脾氣尙虛。以逍遙散倍用白朮、茯苓、陳皮。又以補中益氣加酒炒芍藥兼服而安。

一婦人多怒。經行旬餘方止。後淋瀝無期。肌體倦瘦。口乾內熱。盜汗如洗。日晡熱甚。皆由肝脾虧損。無以生發元氣。用參耆歸朮、茯苓、遠志、棗仁、麥門、五味、丹皮、龍眼肉、炙草、柴胡、升麻。治之獲痊。

一婦人懷抱不舒。腹脹少寐。飲食素少。痰涎上湧。月經頻數。余曰。脾統血而主涎。此鬱悶傷脾。不能攝血歸源耳。用補中益氣濟生歸脾而愈。

附方

歸脾湯

逍遙散二方見二十一卷第四論

加味四物湯

四君子湯

六君子湯

補中益氣湯四方見二十一卷第六論

婦人殺血心痛方論第十四

婦人血崩而心痛甚。名曰殺血心痛。由心脾血虛也。若小產去血過多而心痛甚者亦然。用烏賊魚骨炒爲末。醋湯調下。失笑散亦效。

愚按前症若陰血耗散。用烏賊丸收斂之。若瘀血不散。用失笑散行散之。若心血虛弱。用芎歸湯補養之。若鬱結傷血。用歸脾湯調補之。

附治驗

一婦人血崩兼心痛三年矣。諸藥不應。每痛甚。虛症悉具。面色痿黃。余曰。心主血。蓋由去血過多。心無所養。以致作痛。宜用十全大補湯。參朮倍之。三十餘劑稍愈。百餘劑全愈。

附方

失笑散 方見二十卷第五論

芎歸湯 方見十七卷第四論

歸脾湯

十全大補湯 二方見二十四卷第四論

暴崩下血不止方論第十五

婦人衝任二脈。爲經脈之海。外循經絡。內榮臟腑。若陰陽和平。經下依時。若勞傷不能約制。則忽然暴下。甚則昏悶。若寸脈微遲。爲寒在上焦。則吐血衄血。尺脈微遲。爲寒在下焦。則崩血便血。大抵數小爲順。洪大爲逆。大法當調補脾胃爲主。愚按。經云。陰虛陽搏。謂之崩。又云。陽絡傷則血外溢。陰絡傷則血內溢。又云。脾統血。肝藏血。治法。前症因脾胃虧損。不能攝血歸源。用六君加芎歸柴胡。若肝經之火而血下行。用奇效四物湯。或四物加柴梔苓朮。若肝經風熱而血妄行。用加味逍遙散。或小柴胡。梔芍丹皮。若怒動肝火而血沸騰。亦用前藥。若脾經鬱結而血不歸經。用歸脾加柴梔丹皮。若悲傷胞絡而血下崩。用四君加柴梔升麻。故東垣先生云。凡下血症。須用四君子以收功。厥有旨哉。若大吐血。毋以脈論。當急用獨參湯救之。若潮熱咳嗽脈數。乃元氣虛弱。假熱之脈。尤當用人參溫補。此等症候。無不由脾胃先損。故脈洪大。察其有胃氣。能受補則可救。苟用寒涼止血之藥。復傷脾胃。反不能攝血歸源。是速其危也。

附治驗

大尹王大成之內久患崩。自服四物止血之劑。或作或輟。因怒發熱。其血不止。服

前藥不應。乃主降火。更加脇腹大痛。手足俱冷。余曰。此脾胃虛寒所致。先用附子理中湯。體熱痛止。又用濟生歸脾補中益氣二湯。崩血頓愈。若泥痛無補法。則誤矣。

錦衣楊永興之內。患前症。過服寒涼之劑。其症益甚。更加肚腹痞悶。飲食不入。發熱煩躁。脈洪大而虛。余曰。此脾經氣血虛而發躁也。當急用八珍湯。加炮薑以溫補之。緩則不救。彼不信。乃服止血降火之劑。虛症蜂起。始信余言。緩不及治矣。

一婦人面黃或赤。覺腰間或臍下作痛。四肢困倦。煩熱不安。經行即發寒熱。兩肋如束。血湧如崩。此脾胃虧損。元氣下陷。與相火濕熱所致。用補中益氣。加防風芍藥。炒黑黃柏。間以歸脾湯調補。而血始歸經。

一婦人因怒。崩血久不已。面青黃而或赤。此肝木制脾土而血虛。用小柴胡合四物。清肝火。生肝血。又用歸脾補中二湯。益脾氣。生肝血而瘥。此症若因肝經風熱而血不寧者。防風為丸。以兼症之藥煎送。或肝經火動而血不寧者。炒條芩為丸。以兼症之藥煎送。若瘀血為患。用五靈脂為末。燒鐵器淬酒調服。無不效。

者。

奇效四物湯 治肝經虛熱。血沸騰而崩久不止。

當歸酒拌

熟地黃自製

白芍藥

川芎

阿膠炒

艾葉炒

黃芩各等分

右每服四錢。水煎。

治血崩血瘕。或經行產後心腹脇痛。五靈脂炒烟盡為末。每服一錢。溫酒調。或用

三錢。水酒童便煎服。

治風熱血崩。荆芥穗燈火燒焦為末。每服三錢。童便調。

獨聖散 治肝經有風血崩。用防風去叉蘆為末。每服二錢。空心食前。酒煮白麵。

清飲調下極驗。

神應散 治血虛內熱。血不歸源而崩。用桂心燒存性為末。每服一二錢。米飲調

下。

又方 陳槐花一兩。百草霜半兩為末。每服一二錢。燒紅秤錘淬酒下。

附方

四君子湯

六君子湯

補中益氣湯

四物湯

四方見二十卷第六論

歸脾湯

加味逍遙散

八珍湯

三方見二十卷第四論

小柴胡湯

方見二十四卷第二論

獨參湯

方見三卷第十三論

附子理中湯

方見二十卷第八論

帶下方論第十六

婦人帶下。其各有五。因經行產後。風邪入胞門。傳於臟腑而致之。若傷足厥陰肝經。色如青泥。傷手少陰心經。色如紅津。傷手太陰肺經。形如白涕。傷足太陰脾經。黃如爛瓜。傷足少陰腎經。黑如衄血。人有帶脈。橫於腰間。如束帶之狀。病生於此。故名爲帶。

愚按徐用誠先生云。前症白屬氣。而赤屬血。東垣先生云。血崩久則亡陽。故白滑之物下流。未必全拘於帶脈。亦有濕痰流注下焦。或腎肝陰淫之濕勝。或因驚恐而木乘土位。濁液下流。或思慕爲筋痿。戴人以六脈滑大有力。用宣導之法。此瀉其實也。東垣以脈微細沉緊。或洪大而虛。用補陽調經。乃兼責其虛也。

丹溪用海石、南星、椿根皮之類。乃治其濕痰也。竊謂前症皆當壯脾胃、升陽氣爲主。佐以各經見症之藥。色青者屬肝。用小柴胡加山梔、防風、濕熱壅滯。小便赤澀。用龍膽瀉肝湯。肝血不足。或燥熱風熱。用六味丸。色赤者屬心。用小柴胡加黃連、山梔、當歸。思慮過傷。用妙香散等藥。色白者屬肺。用補中益氣加山梔。色黃者屬脾。用六君子加山梔、柴胡。不應。用歸脾湯。色黑者屬腎。用六味丸。氣血俱虛。八珍湯。陽氣下陷。補中益氣湯。濕痰下注。前湯加茯苓、半夏、蒼朮、黃柏。氣虛痰飲下注。四七湯送六味丸。不可拘肥人多痰。瘦人多火。而以燥濕瀉火之藥輕治之也。

附治驗

一 孀婦腹脹脇痛。內熱晡熱。月經不調。肢體痠麻。不時吐痰。或用清氣化痰。喉間不利。帶下青黃。腹脇膨脹。又用行氣之劑。胸膈不利。肢體如麻。此乃鬱怒傷損肝脾。朝用歸脾湯。以解脾鬱。生脾氣。夕用加味逍遙散。以生肝血。清肝火。百餘劑而愈。

一 婦人久瘧。兼帶發熱。口乾體倦。用七味白朮散。加麥門、五味。大劑煎與恣飲。再

發稍可。乃用補中益氣。加茯苓、半夏。十餘劑而愈。

一婦人頭暈吐痰胸滿氣喘。得食稍緩。苦於白帶。二十餘年矣。諸藥不應。此氣虛而痰飲也。痰飲愈而帶自愈。遂朝用六君子湯。夕用六味地黃丸。不月而驗。

一婦人耳鳴胸痞。內熱口乾。喉中若有一核。吞吐不利。月經不調。兼之帶下。余以爲肝脾鬱結。用歸脾湯。加半夏、山梔、升麻、柴胡。間以四七湯。下白丸子而愈。

一婦人吞酸飽滿。食少便泄。月經不調。服清氣化痰丸。兩膝漸腫。寒熱往來。帶下黃白。面痿體倦。此脾胃俱虛。濕痰下注。用補中益氣。倍用參朮。加茯苓、半夏。炮薑而愈。

一婦人帶下。四肢無力。余曰。四肢者土也。此脾胃虛弱。濕痰下注。以補中益氣。濟生歸脾二藥治之而愈。

一婦人帶下黃白。怒則胸膈不利。飲食少思。或用消導利氣之藥。痰喘胸滿。大便下血。余曰。此因脾氣虧損。不能攝血歸源。用補中益氣。加茯苓、半夏、炮薑四劑。諸症頓減。又用八珍加柴胡、山梔而痊。

小柴胡湯 方見二十四卷第二論

龍膽瀉肝湯 方見二十四卷第八論

六味丸 方見二十四卷第十一論

妙香散 方見十三卷第十三論

補中益氣湯

六君子湯 方見二十四卷第六論

歸脾湯

八珍湯

加味逍遙散 三方見二十四卷第六論

七味白朮散 方見二十一卷第二論

四七湯 方見十二卷第七論

白丸子 方見四卷第三論

崩中漏血生死脈方論第十七

婦人崩中漏下之症。已見前論。按其寸口脈弦而大。弦則為緊。大則為芤。緊則為寒。芤則為虛。虛寒相搏。其脈為革。婦人半產漏下。赤白不止。脈小虛滑者生。脈大緊實數者死。又脈急疾者死。遲者生。又云。尺寸脈虛者漏血。脈浮者俱不治。愚按。前症闡內經微旨。濟無窮夭札。須固胃為善。蓋胃為五臟之本源。人身之根蒂。所用治法。當參前後論。

附治驗

一婦人年將七十。素有肝脾之症。每作則飲食不進。或胸膈不利。或中脘作痛。或大便作瀉。或小便不利。余用逍遙散加山梔、茯神、遠志、木香而愈。後憂女居。

不時吐紫血。其病每作。先倦怠而後發熱。經曰。積憂傷肺。積思傷脾。肺脾受傷。致是令子母俱病。不能攝血歸經。而致前症。遂以前藥加炒黑黃連三分。吳茱萸二分。頓愈。復因怒吐赤血甚多。躁渴垂死。此血脫也。法當補氣。乃用人參一兩。苓朮當歸各三錢。陳皮炮黑乾薑各二錢。炙草木香各一錢。一劑頓止。

一婦人年六十有四。久鬱怒。頭痛寒熱。春間乳內腫痛。服流氣飲之類。益甚。不時有血如經行。又因大驚恐。飲食不進。夜寐不寧。此因高年去血過多。至春無以生發肝木。血虛火燥。所以至晚陰旺則發熱。經云。肝藏魂。魂無所附。故不能寐。先以逍遙散加酒炒黑龍膽草一錢。山梔一錢五分。二劑腫痛頓退。又二劑而全消。再用歸脾湯加炒梔貝母。諸症悉愈。

表弟方健甫內。五十歲。辛丑患血崩。諸藥罔效。壬寅八月。身熱體痛。頭暈涕出。吐痰少食。衆作火治。展轉發熱。絕粒數日。余診之曰。脾胃久虛。過服寒藥。中病未已。寒病復起。遂用八味丸料一服。翌早遂索粥數匙。再服食倍。熱減痛止。乃服八味丸而愈。癸卯秋。因勞役憂怒。甲辰夏。病復作。胸飽發熱。脊痛腰疼。神氣拂鬱。或作內傷。或作中暑。崩血便血。煩渴引飲。粒米不進。昏憤時作。脈洪大。按

之微弱。此無根之火。內虛寒而外假熱也。以十全大補加附子一劑。遂食粥三

四匙。崩血漸減。日服八味丸。始得全愈。備見女科撮要

柏葉散 治元氣虛弱。崩中漏血。年久不愈。亦治白帶。

柏葉炒 續斷酒炒 川芎 當歸

生地黃 鱉甲炙 龜甲炙 禹餘糧各一兩

阿膠炒 赤石脂煨 艾葉炒 牡蠣煨

地榆 鹿茸炙各五錢

右為末。每服二錢。粥飲調下。

地黃丸 治足三陰虧損。經行數日不止。或兼帶下無子。

熟地黃自製 山茱萸肉 蕪荑仁各一兩 乾薑三錢

白芍藥微炒 代赭石各一兩 白殭蠶炒 厚朴薑製各三錢

右為末。蜜丸。桐子大。每服五十九丸。空心溫酒下。日三服。許學士云。凡婦人有白

帶。多致不產育。宜速治之。故扁鵲過邯鄲。聞婦人有此病。遂自鳴帶下。醫以就

治之。

白芷散 治下元虛弱。赤白帶下。或經行不止等症。

白芷一兩 海螵蛸一枚 胎髮一團

右為末。每服二錢。溫酒調下。

附方

東垣益胃升陽湯 治血脫當益其氣。蓋先補胃氣。以助生發之氣。故曰陽生陰長。諸甘藥為之先務。舉世皆以為補氣。殊不知甘能生血。此陽生陰長之理。故先理胃氣。則血歸於脾矣。故曰脾統血。

東垣升麻除濕湯二方見二十九卷第九論

東垣升陽益胃湯 治肺脾胃虛。怠惰嗜臥。四肢不收。身體沉重。口乾。食無味。大便不調。小便頻數。食少。食不消。洒淅惡寒。而或微熱。崩帶不止。方見十三卷

十全大補湯

逍遙散

歸脾湯三方見二十四卷第四論

八味丸方見二十四卷第十一論

婦人白濁白淫方論第十八

婦人小便白濁白淫。由心腎不交。水火不濟。用金鎖正元丹。若心虛而致。用平補正心丹。降心丹。威喜丸。若思慮傷脾。用四七湯。吞白丸子。更以烏沉湯。加茯苓。益智。

愚按前症若元氣下陷。用補中益氣湯。脾胃虧損。六君加升麻。柴胡。脾經鬱結。歸脾加黃柏。山梔。肝經怒火。龍膽瀉肝湯。虛則用加味逍遙散。宜與帶下參看主治。

附治驗

一婦人善怒。或小腹痞悶。或寒熱往來。或小便頻數。時下白淫。藥久不愈。面青口苦。余以為積憤而不能發散所致。用龍膽瀉肝湯而愈。用加味逍遙散。入珍湯而安。

鎖精丸 治下元虛弱。小便白濁。或白帶淋漓。小便頻數。

破故紙炒

青鹽

白茯苓去皮

五味子炒等

右為末。酒糊丸。桐子大。每服三十九。鹽湯或酒下。

固精丸 治胞氣虛寒。小便白濁。或小便無度等症。

牡蠣煨

兔絲子酒浸蒸炒

韭子炒

龍骨煨

五味子炒

白茯苓去皮

桑螵蛸酒炙

白石脂煨各分

右爲末。酒糊丸。桐子大。每服七十九。空心鹽湯下。

附方

補中益氣湯

六君子湯二方見二十四卷第六論

歸脾湯

方見二十四卷第四論

龍膽瀉肝湯

方見二十四卷第八論

婦人天癸過期方論第十九

許學士云。婦人經脈過期不及。腰腹疼痛。或七七數盡而月經下者。宜用當歸散治之。

愚按前症若肝腎虛熱。用當歸散。肝血虛熱。四物加柴、梔、丹皮。肝火內動。小柴胡加山梔、丹皮。肝火血燥。加味逍遙散。脾經鬱火。加味歸脾湯。肝脾鬱火。歸脾。逍遙兼服。肝腎虧損。歸脾。六味兼服。仍與前後月經不調治驗同用。

附治驗

一婦人年五十。內熱晡熱。經水兩三月一至。此血虛有熱。用逍遙加山茱萸治之。而愈。後有痰作渴。或小便不調。或頭暈白帶。用六味丸而安。
當歸散

當歸酒洗

川芎

白芍藥

黃芩

白朮炒各半兩

山茱萸肉半兩

右爲末。每服二錢。酒調。日三服。氣虛去芩。加桂心一兩。

附方

四物湯

方見二十四卷第六論

小柴胡湯

方見二十四卷第二論

加味逍遙散

加味歸脾湯

方見二十四卷第四論

六味丸

方見二十四卷第十一論

婦人血分水分腫滿方論第二十

婦人經水不通。則化爲血。血不通。則復化爲水。故先因經水斷絕。後至四肢浮腫。致小便不通。名曰血分。宜用椒仁丸。若先因小便不通。後身面浮腫。致經水不通。名曰水分。宜用葶藶丸。經脈不通而化爲水。流走四肢。悉皆腫滿。亦名血分。其症

與水症相類。實非水也。用人參丸。

愚按前症或因飲食起居失養。或因六淫七情失宜。以致脾胃虛損。不能生發。統攝氣血乖違。行失常道。若先因經水斷絕。後至四肢浮腫。小便不通。血化爲水。名曰血分。宜用椒仁丸治之。若先小便不利。後至身面浮腫。經水不通。水化爲血。名曰水分。宜用葶藶丸治之。此屬形氣不足。邪淫隧道。必用此藥。以宣導其邪。而佐以補輔元氣之劑。庶使藥力有所仗而行。則邪自不能容。而真氣亦不至於復傷矣。大凡月水不通。凝結於內。久而變爲血瘕。血水相并。亦爲水腫。

附治驗

一婦人月經不調。晡熱內熱。飲食少思。肌體消瘦。小便頻數。或用濟陰丸。月經不行。四肢浮腫。小便不通。余曰。此血分也。朝用椒仁丸。夕用歸脾湯。漸愈。服人參丸兩月而愈。仍專用歸脾湯。五十餘劑而平。

一婦人面目浮腫。月經不通。此水分也。朝用葶藶丸。夕用歸脾湯。漸愈。更用人參丸兼服而全愈。

一婦人素性急。先因飲食難化。月水不調。或用理氣化痰藥。反肚腹膨脹。大便泄

瀉。又加烏藥、蓬朮。肚腹腫脹。小便不利。加猪苓、澤瀉。痰喘氣急。手足厥冷。頭面肢體腫脹。指按成窟。脈沉細。右寸尤甚。余曰。此脾肺虛冷。不能通調水道。下輪膀胱。滲泄之令不行。生化之氣不運。東垣云。水飲留積。若土在雨中。則爲泥矣。得和氣。暖日。水濕去而陽化。自然萬物生長。喜其脈相應。遂與金匱加減腎氣丸料服之。小便卽通。數劑腫脹消半。四肢漸溫。自能轉側。又與六君加木香、肉桂、炮薑治之。全愈。後不戒七情。不調飲食。頓作泄瀉。仍用前藥。加附子五分而安。

椒仁丸 治血分

椒仁

甘遂

續隨仁

附子炮

郁李仁

黑牽牛炒

五靈脂去石

當歸

吳茱萸

玄胡索

芫花酒炒

石膏各二

信砒

膽礬各一

斑蝥糯米炒

芫青各三十個糯米炒黃去頭足

右爲末。麵糊丸。菉豆大。每服十九。陳皮湯送下。

人參丸 治月經不利。血化為水。流走四肢。悉皆腫滿。

人參

當歸

大黃蒸熟

桂心

瞿麥穗

赤芍藥

白茯苓各三兩

葶藶炒別研

右為末。煉蜜丸。桐子大。每服十五丸。空心米飲下。

葶藶丸 治水分。

甜葶藶炒別研

續隨仁別研

乾漆末 一兩

右用棗肉丸。桐子大。每服七丸。煎扁竹湯下。如大便利。減續隨子。葶藶各

錢。加白朮半兩。

小調經散 治經水失道。流入四肢浮腫。方見產後

附方

歸脾湯方見二十四卷第四論

金匱加減腎氣丸方見二十二卷第十論

六君子湯方見二十四卷第六論

校註婦人良方

宋 臨川 陳自明良甫編輯
明 古吳 薛 己立齋補註

鄞縣 曹赤電炳章圈校

卷二

衆疾門

經脈不調衆疾
生焉故以次之

產寶方論第一

古人治婦人。別著方論者。以其胎妊生產崩傷之異。况鬱怒倍於男子。若不審其虛實而治之。多致夭枉。

愚按前說誠爲精確。諺云。寧治十男子。莫治一婦人。寧治十婦人。莫治一小兒。義可見矣。

博濟方論第二

夫人將攝順理。則氣血調和。六淫不能爲害。若勞傷血氣。則風冷乘之。脾胃一傷。飲食漸少。榮衛日衰。肌膚黃燥。面無光澤。若入大腸則下利。若入關元則絕嗣。故婦人病有三十六種。皆由衝任勞損而致。蓋衝任之脈。爲十二經之會海。其病皆見於少陰太陽之經。當於此候之。

愚按前論精密。學者當從此類推之。

寇宗奭論第二

婦人雖有別科。然亦有不能盡聖人之法。岐伯曰。凡病察其形氣相得則易治。形氣相失則難治。又曰。診病之道。觀人勇怯。骨肉皮膚。能知其情。以爲診法。今富貴之家。身處帷幔。出手診候。不能盡望聞問切之情。率爾投藥。烏可盡其術乎。况醫者質問諄諄。病家遂謂業術不精而不信。豈能使藥之奏效耶。丹溪云。凡人之形。長不及短。大不及小。肥不及瘦。人之色。白不及黑。嫩不及蒼。厚不及薄。而况肥人。

濕多。瘦人火多。白者肺氣虛。黑者腎氣足。形色既殊。臟腑亦異。外證雖同。治法迥別。所以肥人責脈浮。瘦人責脈沉。躁人疑脈緩。緩人疑脈躁。以其不可概觀也。若夫病勢危急。必須察色以觀其外。診脈以知其內。醫之道。庶乎不至於有誤矣。府庠徐道夫母。胃脘當心痛極。右寸關俱無。左雖有微而欲絕。手足厥冷。余以上部無脈。不吐爲不治。然察其眼胞上下青黯。此脾虛肝木所勝。以參朮茯苓。陳皮甘草補中益氣。以木香和胃氣。行肝氣。以吳茱萸散脾胃之寒。止心腹之痛。遂急與一劑。連服二次。再進諸病悉愈。

通用方序論第四

夫通用方者。蓋產前產後皆可用也。或一方治諸症。不可入於專門。當通變而施治。烏可泥也。

加減四物湯。治血虛月經不調。腰腹作痛。崩中漏下。半產產後。惡露內停。或去

血過多而痛。

方見第八十三論

愚按血虛之症。若肝脾血燥。用加味逍遙散。肝火血燥。用八珍湯。加山梔牡丹

皮。肝經風熱血燥。用六味地黃丸。肝脾血燥血虛。用四物、柴胡、山梔。肝經氣血虛弱。用四君、芎歸、熟地。腎水涸而肝血虛。用六味地黃丸。金尅木而肝血虛。與心火亢而肝血虛。亦用前丸。若氣虛而血弱。用補心湯。胃氣陷而血虛。用補中益氣湯。脾氣弱而血虛。用六君子湯。脾氣鬱而血虛。用加味歸脾湯。大凡血虛之症。或氣虛血弱。或陽氣脫陷。或大失血。以致發熱煩渴等症。必用四君、歸耆。或獨參甘溫之劑。使陽旺則陰生。其病自愈。若用寒涼降火。乃速其危也。

交加散 治經脈不調。腹中撮痛。或結聚癥瘕。產後中風。

生地黄一斤 生薑十二兩 取汁

右以地黃汁炒薑渣。薑汁炒地黃渣。乾為末。每服三錢。溫酒調下。芎藥、玄胡索、當歸、蒲黃、桂心各一兩。沒藥、紅花各五錢。尤效。

補中丸 治氣血俱虛諸症。即八珍湯為丸。方見二十四卷第四論

附方

加味歸脾湯

加味逍遙散

八珍湯三方見二十四卷第四論

六味丸方見二十四卷第十一論

四物湯

四君子湯

六君子湯

補中益氣湯四方見二十卷第六論獨參湯方見十三卷

校註婦人良方 卷二 衆疾門 通用方序論第四

五

校註婦人良方 卷二 衆疾門 通用方序論第四

六

校註婦人良方

宋 臨川 陳自明良甫編輯
明 古吳 薛 己立齋補註

鄞縣 曹赤電炳章圈校

卷二

婦人中風諸症方論第一

夫中風者。因內虛而中之也。蓋風爲四時八方之氣。常以冬至之日。自坎而起。從其鄉來者。主長養萬物。否則名爲虛風。賊害萬物。從背而入。或中腑。或中臟。或中血脈經絡。其症或肢體不遂。或手足偏枯。或痰涎壅塞。或口眼歪斜。或牙關緊急。或腰背反張。若眼開口閉。涎流失音者。難治。如眼閉口開。鼾睡遺尿者。死。中風中氣。皆用蘇合香丸。中氣用三生飲。若作風治。百無一生。

愚按中風者。卽內經所謂偏枯、風痲、風懿、風痺是也。而有中腑、中臟、中血脈之

分焉。夫中腑者爲在表。中臟者爲在裏。中血脈者爲在中。在表者宜微汗。在裏者宜微下。在中者宜調榮。中腑者多着四肢。如手足拘急不仁。惡風寒。此數者病淺。皆易治。用加減續命湯之類。中臟者多滯九竅。如眼瞖者。中於肝。舌不能言者。中於心。脣緩便秘者。中於脾。鼻塞者。中於肺。耳聾者。中於腎。此數者病深。多難治。中血脈者。外無六經之證。內無便溺之阻。肢不能舉。口不能言。用大秦芫湯主之。中腑者。多兼中臟。如左關脈浮弦。面目青。左脇偏痛。筋脈拘急。目睜。頭目眩。手足不收。坐踞不得。此中膽兼中肝也。用犀角散之類。如左寸脈浮洪。面舌赤。汗多惡風。心神顛倒。言語蹇澀。舌強口乾。忪悸恍惚。此中小腸兼中心也。用麻黃散之類。如右關脈浮緩。或浮大。面唇黃。汗多惡風。口喎語澀。身重怠惰。嗜臥。肌膚不仁。皮肉瞤動。腹膨不食。此中胃兼中脾也。用防風散之類。如右寸脈浮瀼而短。面色白。鼻流清涕。多喘。胸中冒悶短氣。自汗聲嘶。四肢痿弱。此中大腸兼中肺也。用五味子湯之類。如左尺脈浮滑。面目黧黑。腰脊痛引小腹。不能俛仰。兩耳虛鳴。骨節疼痛。足痿善恐。此中膀胱兼中腎也。用觸活散之類。此皆言真中風也。而有氣血之分焉。蓋氣虛而中者。繇元氣虛而賊風襲之。則

右手足不仁。用六君子湯。加鈎藤、薑汁、竹瀝。血虛而中者。繇陰血虛而賊風襲之。則左手足不仁。用四物湯。加鈎藤、竹瀝、薑汁。氣血俱虛而中者。則左右手足皆不仁也。用八珍湯。加鈎藤、薑汁、竹瀝。其與中風相類者。則有中寒、中濕、中火、中氣、食厥、勞傷、房勞等症。如中於寒者。謂冬月卒中寒氣。昏冒口噤。肢攣惡寒。脈浮緊。用麻黃桂枝理中湯之類。中於暑者。謂夏月卒冒炎暑。昏冒痿厥。吐瀉喘滿。用十味香薷飲之類。中於濕者。丹溪所謂東南之人。多因濕土生痰。痰生熱。熱生風也。用清燥湯之類。加竹瀝、薑汁。中於火者。河間所謂非肝木之風。內中六淫之邪外侵。良繇五志過極。火盛水衰。熱氣拂鬱。昏冒而卒仆也。用六味丸。四君子。獨參湯之類。內有恚怒傷肝。火動上炎者。用柴胡湯之類。中於氣者。繇七情過極。氣厥昏冒。或牙關緊急。用蘇合香丸之類。誤作風治者死。食厥者。過於飲食。胃氣自傷。不能運化。故昏冒也。用六君子。加木香。勞傷者。過於勞役。耗損元氣。脾胃虛衰。不任風寒。故昏冒也。用補中益氣湯。房勞者。因腎虛精耗。氣不歸源。故昏冒也。用六味丸。此皆類中風者也。夫內經主於風。河間主於火。東垣主於氣。丹溪主於濕。愚之斯論。僭補前人之闕也。若夫地之南北。人之虛

實。固有不同。其男子女人。大略相似。當與後論參看通變治之。

附治驗

靳閣老夫人。先胸脇脹痛。後四肢不收。自汗如水。小便自遺。大便不實。口緊目瞶。飲食頗進。十餘日矣。或以爲中臟。公甚憂。余曰。非也。若風旣中臟。真氣旣脫。惡症旣見。禍在反掌。焉能延之。乃候其色。面目俱赤。而面或青。診其脈。左三部洪數。惟肝尤甚。余曰。胸乳脹痛。肝經血虛。肝氣否塞也。四肢不收。肝經血虛。不能養筋也。自汗不止。肝經風熱。津液妄泄也。小便自遺。肝經熱甚。陰挺失臟也。大便不實。肝木熾盛。尅脾土也。遂用犀角散四劑。諸症頓愈。又用加味逍遙散。調理而安。後因鬱怒。前症復作。兼發熱嘔吐。飲食少思。月經不止。此木盛尅土。而脾不能攝血也。用加味歸脾湯爲主。佐以加味逍遙散。調補肝脾之氣。清和肝脾之血而愈。後每遇怒。或睡中手足抽搐。復用前藥卽愈。

大參朱雲溪母。於九月內。忽仆地痰沫。不省人事。脣口喎斜。左目緊小。或用痰血之劑。其勢稍緩。至次年四月初。其病復作。仍進前藥。勢亦漸緩。至六月終。病乃大作。小便自遺。或謂風中於臟。以爲不治。余診之。左關弦洪而數。此屬肝火血

燥也。遂用六味丸。加五味、麥門、芎、歸。一劑而飲食頓進。小便頓調。隨用補中益氣。加茯苓、山梔、鈎藤、丹皮而安。至十月。復以傷食腹痛作瀉。左目仍小。兩關尺脈弦洪。鼓指。予以六君加木香、吳茱、升麻、柴胡。一劑而痛瀉俱緩。復以六君加肉果。故紙一劑。諸脈頓平。痛瀉俱止。余謂左關弦洪。絲肝火血燥。故左目緊小。右關弦洪。絲肝邪乘脾。故脣口喎斜。腹痛作瀉。二尺鼓指。絲元氣下陷。設以目緊口喎。誤作風中。投以風藥。以腹痛泄瀉。誤作積滯。投以峻劑。復耗元氣。爲害甚矣。後以陽虛惡寒。圍火過熱。致痰喘。誤服寒劑而卒。

一歸人因怒仆地。語言蹇澀。口眼喎斜。四肢拘急。汗出遺尿。六脈洪大。肝脈尤甚。皆絲肝火熾盛。蓋肝主小便。因熱甚而自遺也。用加味逍遙散。加鈎藤。及六味丸。尋愈。

一老婦兩臂不遂。語言蹇澀。服祛風之藥。反致筋攣骨痛。余謂此肝火血虛所致。用八珍湯補氣血。用地黃丸補腎水。佐以排風湯。年餘而愈。

一婦人經行。口眼歪斜。痰涎壅盛。此血虛而肝火動。用加味逍遙散。加牡丹皮治之。尋愈。後因飲食停滯。口吐痰涎。此脾氣虛。不能攝涎歸經也。用六君子二十

餘劑而安。

一婦人因怒。口眼歪斜。痰涎上湧。口噤發搐。此脾肺氣虛而肝木旺。用六君子。加木香、鈎藤、柴胡治之。漸愈。又用加味歸脾湯調理而安。

一產婦勤於女工。忽仆地。牙關緊急。痰喘氣粗。四肢不遂。此氣血虛而發瘧。朝用補中益氣湯。加茯苓、半夏。夕用八珍湯。加半夏。各三十餘劑。不應。此氣血之未復。藥之未及也。仍用前二湯。又五十餘劑。尋愈。

一婦人素有內熱。月經不調。經行後。四肢不能伸。臥床半載。或用風濕痰火之劑。不效。其脈浮緩。按之則濡。名曰瘕症。屬風寒所乘。用加味逍遙散。加肉桂、防風。四劑頓愈。更以八珍湯調理兩月餘而痊。

一婦人素經行後期。因勞怒。四肢不能屈。名曰瘕症。此血虛而風熱所乘。先用八珍湯。加鈎藤、柴胡。漸愈。更佐以加味逍遙散。調理而痊。

一婦人四肢攣屈。煩痛自汗。小便短少。畏見風寒。脈浮弦緩。此氣血虛而風寒濕熱相搏。先用東垣清燥湯。漸愈。再 use 加味逍遙散。及八珍湯。加牡丹皮而痊。

一婦人素有火。忽然昏曠。瘕瘕抽搐。善伸數欠。四肢筋攣。痰涎上升。此肺金燥甚。

血液衰少而然也。用清燥湯、六味丸兼服尋愈。
一婦人肢節作痛不能轉側。惡見風寒。自汗盜汗。小便短少。雖夏亦不去衣。其脈浮緊。此風寒客於太陽經。用甘草附子湯一劑而瘥。
一婦人因怒發搐。嘔吐痰涎。口噤昏憤。氣口脈大於人迎。此氣滯而食厥。用平胃散加茯苓、半夏、木香治之而甦。更以六君子加木香漸愈。乃去木香。又二十餘劑而瘥。

一婦人元氣素虛。勞則體麻發熱。痰氣上攻。或用烏藥順氣散祛風化痰丸之類。肢體痿軟。痰涎自出。面色痿黃。形體倦怠。而脾肺二脈虛甚。此氣虛而類風。朝用補中益氣湯。夕用十全大補湯。漸愈。又用加味歸脾湯調理尋愈。

一婦人體肥胖。頭目眩暈。肢體麻木。腿足痿軟。自汗身重。其脈滑數。按之沉緩。此濕熱乘虛也。用清燥羌活二湯漸愈。更佐以加味逍遙散愈。

一婦人口眼歪斜。四肢拘急。痰涎不利而惡風寒。其脈浮緊。此風寒客於手足陽明二經。先用省風湯二劑。後用秦艽升麻湯而愈。

一婦人素性急。患肝風之症。常服搜風順氣丸、秦艽湯之類。後大怒吐血。脣口牽

緊。小便頻數。或時自遺。余以爲肝火旺而血妄行。遂用小柴胡湯。加山梔。牡丹皮。漸愈。五年之後。又大怒吐血。誤服降火祛風化痰之劑。大便頻數。胸滿少食。用清氣化痰之劑。嘔而不食。頭暈口乾。不時吐痰。用導痰降火之類。痰出如湧。四肢常冷。余曰。嘔而不食。胃氣虛弱也。頭暈口乾。中氣不能上升也。痰出如湧。脾氣不能攝涎也。四肢逆冷。脾氣不能運行也。用補中益氣。加茯苓。半夏治之。諸症漸愈。又用加味歸脾湯兼服而安。

鳩臚王繼之室人。素有癩症。遇勞役怒氣則發。良久自省。一日因飲食勞役失宜。發而半日方省。不能言語。或以爲風中於臟。用祛風化痰順氣之劑。及牛黃清心丸。病益甚。六脈浮大。兩寸虛而不及本部。且進飲食。余曰。此脾胃之氣傷也。若風中於臟。禍在反掌。彼不信。仍用風藥。後果卒。

婦人吐痰頭暈肢體麻木。

見第四卷

娠婦發搐似中風。

見第十卷

產後發瘧似中風。

見第十卷

男子諸症摘要。

見內科

排風湯 治風邪入臟狂言妄語。

白鮮皮

白朮

白芍藥炒

桂心

川芎

當歸

防風

杏

仁去皮炒

甘草

各二兩

白茯苓

麻黃

去節

獨活

各二兩

三生飲

治卒中不省。口眼喎斜。痰壅喉響。無問外感內傷。痰涎食厥。氣虛眩暈。

但六脈沉。悉有神效。

生南星

生烏頭

去皮

生附子

各半兩

木香

一錢

右每服半兩。薑水煎。不省人事。以細辛、皂角末少許吹鼻中。得嚏進藥。氣盛只

用南星五錢。生薑十四片煎飲之。名星薑飲。

愚按三生飲乃行經絡。治寒痰之良藥。斬關奪旗之神劑。每服必用人參兩許。

驅其外邪。而補其真氣。否則不惟無益。適以取敗。觀先哲用耆附、朮附等湯。其

義可見。

加減小續命湯 治中風半身不遂。口眼喎斜。手足戰掉。語言蹇澀。神思昏亂。筋

攣骨痛。或脚氣緩弱。陰晦復作。

麻黃

去節

防己

人參

黃芩

炒

桂心

甘草

白芍藥

川芎

炒

杏仁各一兩 附子炮半兩 防風半兩

右每服五錢。薑棗水煎。精神恍惚。加茯苓、遠志。有熱。去附子。加芍藥。心

煩。加犀角半兩。骨冷痛。加桂附。嘔逆腹脹。加人參、半夏一兩。躁悶便澀。

去附子。加芍藥一兩。竹瀝一合。臟寒下利。去防己、黃芩。加附子、白朮一兩。

自汗。去麻黃、杏仁。加白朮一兩。脚弱。加牛膝、石斛一兩。身痛。加秦艽一兩。

腰痛。加桃仁、杜仲半兩。失音。加杏仁一兩。

小引風湯

防風 獨活 細辛 川芎

五味子并炒 白茯苓 人參 白芍藥焙

白朮炒 甘草等分

右每服五錢。薑三片。杏仁五個。水煎服。加麻黃、茯苓、附子、當歸、羚羊角等分。即

大引風湯也。

必效竹瀝湯 治中風痰涎壅盛。言語蹇滯。四肢緩縱。

秦艽 防風 獨活 附子炮各一錢

右以水二盞煎半盞。入生地汁、淡竹瀝各半盞。再煎四五沸。作四服。病既去。以他藥調治。未愈再服。最效。

星香湯 治中風痰盛。服熱藥不得者。

南星 木香等分

右每服四錢。薑十片。水煎。

星附湯 治中風痰涎上攻。六脈沉伏。不知人事。

附子生用 南星生用各一兩 木香半兩

右每服四錢。薑水煎。寒甚加天雄、川烏。多灸關元、丹田二穴。

附方

三化湯 治中風。外有六經之形症。先以加減續命湯治。內有便溺之阻隔者。此

方主之。

厚朴薑汁炒 大黃酒蒸 枳實麸炒 羌活各入

右每服一兩。水煎。

秦朮湯 治中風外無六經之形症。內無便溺之阻隔。乃血弱不能養於筋。手足

不能運。口強不能言。宜養血而筋自榮也。

秦 芫

石 膏各二兩

甘 草炒

川 芎

當 歸

芍 藥炒

羌 活

獨 活

防 風

黃 芩炒

白 芷

生 地 黃

熟地黃自製

白 茯 苓

白 朮各一兩

細 辛半兩

右每服一兩。水煎。

陰雨加生薑七片。春夏加知母一兩。

省風湯 治中風口噤。口眼喎斜。筋脈攣急。抽掣疼痛。風熱痰實。

防 風

南 星生用各四兩

半 夏水浸洗

黃 芩炒

甘 草生用各二兩

右每服五錢。水煎。

大八風湯方見後

燒竹瀝法 用新竹截尺許。作兩片。用兩磚對立。竹仰磚上。中以火燒之。兩頭瀝

自出。取荆瀝亦然。

烏藥順氣散 治風氣骨節疼痛。遍身頑麻。手足癱瘓。言語蹇澀。宜先疎氣道。後

隨證投藥。

麻黃去節

烏藥

陳皮去白

川芎

白芷

桔梗

枳殼去穰

甘草炒各兩

乾薑炮半兩

僵蠶炒一兩

右每服五錢薑水煎。頭痛加葱白。有汗加薄荷。

八味順氣散

白朮

白茯苓

青皮

白芷

陳皮炒

烏藥

人參各一兩

甘草炙半兩

右每服五錢水煎。

導痰湯

半夏

南星

茯苓

陳皮炒

枳實炒

甘草炒

右薑水煎服。

參蘇飲 治痰積中脘。暈眩嘈雜。怔忡噦逆。或痰停關節。手足躡曳。口眼喎斜。半

身不遂。嘔吐惡心。頭疼發熱。

人參

紫蘇葉

半夏

茯苓

乾葛

前胡各三錢

甘草炙

木香

陳皮炒

枳殼製

桔梗各半兩

右每服一兩。薑水煎。腹痛加芍藥。

附子理中湯。治中寒不語。四肢強直。昔有武士守邊大雪。出帳盼瞻。忽然暈倒。

又馬觀文之內。厥逆惡寒腹痛。服此悉愈。方見十一卷第八論

牛黃清心丸方見後

秦艽升麻湯。治風寒客於手足陽明經。口眼喎斜。惡見風寒。四肢拘急。其脈浮

緊。

秦艽二錢

升麻

乾葛

甘草

芍藥炒

人參各半兩

防風

桂枝各三錢

右每劑一兩。連鬚葱白二莖。水煎服。

犀角散。治肝臟中風。筋脈拘攣。手足不收。坐踞不得。胸背強直。脇肋脹滿。面赤

心煩。言語蹇澀。或風邪流注四肢。上攻頭面作痛。口眼喎斜。脚膝痛乏。

犀角屑二錢
石膏
羚羊角
羌活各一錢

人參
甘菊花
獨活
黃芩炒

天麻
枳殼去穢炒
當歸
黃耆

芎藭
白朮
酸棗仁炒
防風

白芷各五分
甘草五分

右水薑煎。

薏苡仁散 治肝臟中風。

薏苡仁
麻黃去蘄各半
防風
附子炮去皮臍

柏子仁
川芎
桂心
枳殼炒

石膏
細辛
獨活
羚羊角各一錢

右薑水煎服。

射干湯 治肝經受病。多汗惡風。善悲嗌乾。目下青黃。可治。急灸肝脘百壯。一黃

一白不可治。

射干 芍藥各二錢 薏苡仁三錢 桂心五分

牡蠣 石一膏各二錢

右作一劑水煎服。

茯神散 治同前。或四肢沉重。精神不安。或痰氣不利。

茯神去木 羌活 麻黃去節 龍齒另研

赤芍藥 甘草炙各一錢 蔓荊子 薏苡仁

麥門冬去心 人參去蘆 防風去蘆 犀角屑各二

右水薑煎。

遠志湯 治症同前。或偃臥不側。悶亂冒絕。若唇色正赤。可治。灸心膻百壯。若青

黃不定。面色暝暝戰慄動者。不可治。

遠志去心半二 人參 石菖蒲 羌活

細辛 麻黃去根各半兩 赤芍藥 白朮各一

右爲末。每服二錢。煎小麥湯調。日二服。

防風散 治脾臟中風。多汗惡風。身體怠惰。四肢不能動。色微黃。不嗜食。舌強語

澀口喎斜僻。肌膚不仁。腹膨心煩。翕翕發熱。神思如醉。其脈浮緩。胸滿痰涎。志意昏濁。

獨活半一錢

防風

茯苓去木

人參

附子炮去

前胡

沙參

半夏湯洗

黃耆炒

旋覆花

羚羊角鎊末

甘草炙各一錢

右水薑煎。

白朮湯 治症同前。或腹滿身黃。嘔吐酸水。急灸脾臑百壯。目下及手足青者。不可治。口角兩邊黃者可治。

白朮

厚朴薑製

防風各二錢

附子炮去

橘紅

白蘇皮

五加皮各一錢

右水薑煎。

細辛散 治症同前。或肉熱。肌膚淫淫如蟲行。或汗大洩。皮膚不澤。唇鼻黃色。

細辛

白朮

獨活

附子炮去

肉桂

防風各一錢

厚朴薑製

麻黃

枳實熬炒

甘草錢五分

右水煎。

防風麻黃散 治症同前。或志意恍惚。肢體沉重。

防風

麻黃去節

人參

川芎

附子炮去皮臍

桂心

黃耆炒

赤茯苓

酸棗仁炒

白朮

獨活

桑白皮炒

羚羊角鎊末各一錢

甘草分五

右水煎服。

五味子湯 治肺臟中風。胸滿短氣。冒悶汗出。噓吸顫掉。聲嘶體重。四肢痿弱。其

脈浮。晝瘥夜甚。偃臥冒悶。其鼻兩邊。下至口。上至眉。其色白者。急灸肺腧百壯。

若色黃。其肺傷而為血矣。撮空拈衣。摸床者。必死。

五味子杵炒

杏仁炒去尖

桂心各一錢

防風去蘆

甘草炒

赤芍藥

川芎各二錢

川椒三分

右水煎服。

獨活細辛散 治症同前。或頭痛項強。背痛鼻乾。心悶語蹇。胸中少氣。四肢疼痛。

獨活 細辛 附子炮去 甘菊花

麻黃去蘆 白芷 五味子杵炒 紫苑草

赤茯苓 肉桂 白朮 川芎

桑白皮 杏仁炒 防風各一 甘草炙半

右水煎服。

獨活散 治腎臟中風。腰疼不得俛仰。或偏枯耳鳴。語聲渾濁。面色浮腫。骨節痠疼。精神昏憤。喜怒好忘。而肌色黧黑。身體沉重。發汗惡風。隱曲不利。或兩脚冷痺。頭昏耳聾。語音渾濁。宜用此。

獨活 附子炮去 當歸酒洗 防風

天麻 桂心各一 川芎 甘菊花

枳殼炒 山茱萸取肉 黃耆炒 丹參

牛膝酒浸 草薢酒浸 甘草炙 細辛

菖蒲 白朮各半

右水煎服。

草薺散 治症同前。或脊骨促痛。不能行立。肌膚黑色。兩脇赤黃如餅者。可治。急灸腎腧百壯。齒黃髮槁。面如土色者。不可治。

草薺酒浸

狗脊

杜仲妙去

白茯苓去皮各

何首烏

天雄去皮

澤瀉各半

右爲末。每服二錢。米飲調下。

吳茱萸丸 治症同前。或惡風多汗。面色浮腫。腰膝疼痛。形色憔悴。

吳茱萸

細辛

白茯苓

獨活

木香

山茱萸取肉

牛膝酒浸

石斛

草薺酒浸各半兩

附子炮去皮臍

芎藭各二錢

右爲末。酒糊丸。桐子大。每服二十九。空心鹽湯下。日二服。

黃耆丸 治症同前。或麻痺腫痛。少氣。肢體乏力。

黃耆妙

川椒妙

茴香妙

川烏頭去皮臍

狼毒

防風

川練子肉

黑附子炮去皮臍

白蒺藜炒

地龍去土炒

赤小豆各等分

右為末。酒糊丸。桐子大。每服二三十丸。溫酒下。日二服。

四君子湯

六君子湯

補中益氣湯

四物湯四方見三論

十全大補湯

八珍湯

加味歸脾湯

加味逍遙散

四方見二十論理中湯方見八論

清暑益氣湯

十味香薷飲

二方見本卷第三論東垣清燥湯方見四卷

六味丸方見二十四論

獨參湯方見本卷第十三論

小柴胡湯方見二十四論

蘇合香丸方見後

羌活湯方見後

甘草附子湯方見後

平胃散方見十一卷第十八論

婦人中風角弓反張方論第二

論曰。婦人氣虛。風入諸陽之經。或產後血虛。汗出中風。體強口噤。腰背反張。名為發瘕。因太陽經先傷。風復感寒而致。如發癰狀。但脈沉遲弦細。無汗惡寒。名剛瘕。有汗不惡寒。名柔瘕。無汗者。葛根湯。小續命湯。有汗者。去麻黃。加葛根。

愚按仲景先生云。太陽病發汗太多。致瘧。風病下之則瘧。三因方云。氣血內虛。風寒濕熱所中則瘧。以風能散氣。故有汗而不惡寒。曰柔瘧。寒能澀血。故無汗而惡寒。曰剛瘧。非專於風濕。因內虛發汗亡血。筋無所榮而然。乃虛象也。竊謂傷寒汗下過度。與產婦潰瘍等病。及因尅伐之劑。傷損氣血而變。若金衰木旺。先用瀉青丸。後用異功散。腎水虛。用六味丸。肝火旺。先用加味小柴胡湯。次用加味四物湯。發熱。用加味逍遙散。若木侮脾土。用補中益氣。加芍藥。山梔。脾經鬱結。用加味歸脾湯。脾土濕熱。用大承氣湯。大凡病後氣血虛弱。用參朮濃煎。佐以薑汁。竹瀝。時時用之。如不應。用十全大補湯。更不應。急加附子。或用參附湯。緩則不救。仍與後治驗參看。

附治驗

一婦人脾胃虛弱。忽痰壅氣喘。頭搖目劄。手揚足擲。難以候脈。視其面。黃中見青。此肝木乘脾土。用六君。加柴胡。升麻。治之而甦。更以補中益氣。加半夏。茯苓而瘳。

葛根湯 治剛瘧無汗惡風。

葛根一錢

麻黃去根節

殭蠶炒各三分

桂枝

粉草炒

芍藥各五分

大棗三箇

右水煎。出汗為度。凡產後麻黃宜斟酌用

附朮湯 治手足逆冷。筋脈拘急。汗出項強。口噤痰湧。

附子炮

白朮

獨活各五分

川芎

肉桂各三分

右棗水煎服。

桂心白朮湯 治陰瘧手足厥冷。筋脈拘急。汗出不止。

白朮

桂心

附子炮

防風

川芎

甘草各等分

右每服五錢。薑棗水煎。

八物白朮散 治陰瘧手足厥冷。筋急脈拘而無汗者。

白朮

麻黃去根節

茯苓

五味子杵炒

羌活各半

附子炮

桂心各二錢

良薑一錢

右每服四錢。薑水煎。凡用麻黃宜斟酌不可過多

附方

通關散 治卒然牙關緊急。腰背反張。藥不得嚙。

細辛

薄荷葉

牙皂角各等分

右爲末。每用少許吹鼻內。候得噴嚏。隨進湯藥。

瀉青丸

方見二十四卷第三論

異功散

方見二十三卷第三論

六味丸

方見二十四卷第十一論

加味小柴胡湯

方見二十四卷第二論

補中益氣湯

加味四物湯

四方見二十四卷第六論

加味逍遙散

十全大補湯

加味歸脾湯

三方見二十四卷第四論

大承氣湯

方見後

參附湯

方見十二卷第三論

婦人中風口噤方論第三

夫中風口噤。乃體虛受風。入於頷頰。蓋手三陽之經。結於頷頰。上夾於口。風邪乘之。則筋攣。故牙關急而口噤也。

愚按前症若風邪客於手足陽明經。口眼喎斜。用秦艽升麻湯。若風熱傷氣。用

省風湯。當與後方同用。

附治驗

一婦人因怒。經事淋瀝。半月方竭。遇怒其經即至。甚則口噤筋攣。鼻衄頭痛。痰瘕。搐搦。瞳子上視。此肝火熾甚。以小柴胡湯。加熟地黃。山梔。鈎藤。治之。後不復發。一婦人素陰虛。患遍身搔癢。誤服祛風之藥。口噤抽搐。肝脈洪數。余曰。肝血為陰。為水。肝氣為陽。為火。此乃肝經血虛火盛耳。宜助陰血。抑肝火。用四物。麥門。五味。柴胡。山梔。生草。熱搐頓止。又以八珍。黃耆。麥門。五味。鈎藤。炙草。調理而痊。

天南星散 治中風口噤。四肢拘急。或痰氣上壅。

天南星 薑汁炒黃

白附子 炮

黑附子 炮

烏蛇肉 酒炙

全蠍 炒等

右為末。每服半錢。薑汁。溫酒調灌。

走馬散 治中風口噤。四肢強直。

黑附子 炮

天麻 各半

桂心

石膏

麻黃 去根

蠍梢 炒

川烏 炮去尖

南星 炮各錢

麝香二分

右爲末。每服三分。豆淋酒調灌。

附方

秦艽升麻湯

省風湯

二方見本卷第一論

小柴胡湯

方見二十四卷第二論

四物湯

方見二十四卷第六論

八珍湯

方見二十四卷第四論

婦人中風不語方論第四

巢氏云。脾脈絡胃夾咽。連舌本。散舌下。心之別脈。係舌本。若心脾受邪。則舌強不能言。然喉嚨者。氣之上下也。會厭者。聲之戶。舌者。聲之機。脣者。聲之扇。若風寒客於會厭。故卒然而瘖。經云。醉臥當風。使人發瘖。

愚按。前症若因痰迷心竅。當清心火。若因濕痰舌強。當清脾熱。若因風熱。牙關緊急。當清肝火。若因風痰塞喉。當導痰涎。若因虛火上炎。當壯水之主。若因氣虛厥逆。當益火之源。若因腎虛舌瘖而不語。當補腎氣。

附治驗

一婦人因怒仆地。痰湧不語。灌牛黃清心丸。稍甦。用神仙解語丹。加山梔、柴胡、桔梗。漸愈。又用六君、柴胡、山梔、枳殼而痊。

一婦人忽然不語半年矣。諸藥不應。兩尺浮數。先用六味丸料。加肉桂。數劑稍愈。乃以地黃飲子三十餘劑而痊。男子多有此症。亦用此藥治之。

神仙解語丹 治心脾受風。言語蹇澀。痰唾溢盛。

白附子 炮

石菖蒲 去毛

遠

志 去心 甘草 佛天

麻

全 蠍

羌 活

南

星 牛膽 礪 如無 尺炮 各一兩

木 香 半兩

右為末。麵糊丸。桐子大。每服二三十丸。薄荷湯下。

防風湯

石 斛 酒炒 兩半

生 地 黃

杜

仲 薑 去皮切

丹

參 各一兩 一錢

防 風

川 芎

麥 門 冬 去心

桂

心

獨 活

右每服五錢。棗水煎。

竹瀝湯 治風中肝脾。四肢不遂。舌強語滯。或痰涎上湧。

威靈仙 附子炮 苦梗 蔓荆子

防風 枳殼去穢炒 川芎 當歸各等分

右每服四錢。薑水煎。入竹瀝半盞。日四服。忌飲茶。

三黃獨活湯 治中風手足拘攣。半身不遂。失音不語。

麻黃去根 黃耆半兩 黃芩七錢 獨活一兩

右每服四錢。水煎。取汗為效。

小省風湯 治中風癱瘓。口眼喎斜。口噤不語。手足頑麻。

防風 南星湯泡各三兩 甘草炙一兩

右每服四錢。薑十片。水煎。

秦艽升麻湯方見本卷第一論

愈風湯 治諸風肢體麻木。手足不遂。不能動履等症。

天麻 牛膝同酒 草薢另研 玄參各六兩

杜仲七兩 羌活十四兩 當歸 熟地黃自製

生地黃各一斤

獨活五兩

肉桂三兩

右為末。煉蜜丸。桐子大。常服五七十丸。病甚。至百丸。空心。食前。溫酒或白湯下。

地黃飲子 治腎虛弱。舌瘖不能言。足廢不能行。

熟地黃自製

巴戟去心

山茱萸去核

石斛

肉蓯蓉酒浸

附子炮

五味子杵炒

白茯苓

石菖蒲

遠志

桂心

麥門冬去心各等分

右每服三錢。入薄荷少許。薑棗水煎服。

牛黃清心丸 治諸風痲癩。語言蹇澀。健忘恍惚。頭目眩暈。胸中煩鬱。痰寒喘嗽。

精神昏憤。或尋常風痰咳嗽。或傷寒陽症。汗下不解。發熱煩渴。其效如神。

牛黃二錢

麝香

龍腦三味分研

羚羊角銹末各一兩

當歸酒洗

防風

黃芩

白芍藥

麥門冬去心

白朮各一兩半

柴胡

桔梗

白茯苓

杏仁去皮尖

芎藭

肉桂

大豆黃卷

阿膠各一兩七錢

蒲黃

人參去蘆

神 麩 各二兩半

雄 黃 另研八錢

甘 草 五兩

白 斂 七錢半

乾 薑 七錢半

犀 角 二兩

金 箔 一千三百片內

乾山藥 七兩

大 棗 一百枚 蒸熟去核 研爛成膏

右各另爲末。煉蜜與棗膏丸。每兩作十九。用金箔爲衣。每服一九。溫水化下。蘇合香丸。治氣中。痰氣上攻。牙關緊急。不省人事。或卒暴氣逆。心痛。鬼魅惡氣。及一切氣滯等症。

沉 香

麝 香

訶子肉

丁 香

青木香

安息香

香 附

萹 撥

白 朮

白 檀

薰陸香

蘇合油

龍 腦 另研各一兩

朱 砂 另研

烏犀角 鎊末

右爲末。用安息香并煉蜜丸。桐子大。溫水化服四丸。每兩作十九。熔黃蠟包裹爲善。

青州白丸子 治半身不遂。口眼喎斜。痰涎壅塞。手足頑麻。

半 夏 七兩水洗過 川烏頭 半兩去皮 南 星 二兩 白附子 二兩

右爲末。用絹袋盛之。水浸一日。如急用。以糊丸。桐子大。每服十九。薑湯下。

瓜蒂散

瓜蒂二錢 赤小豆五分

右爲末。每夜於鼻內嚙之。取下黃水。內服涼劑。

六君子湯

方見二十四卷第六輪

婦人風痺手足不隨方論第五

夫婦人風痺。手足不隨。或肌膚疼痛。或肢體麻木。蓋諸陽之經。皆起於手足。循行肢體。因氣虛風邪所客而爲患也。

愚按。經云。邪之所湊。其氣必虛。前症若風邪淫旺。或怒動肝火。血燥筋攣。用加味逍遙散。脾肺氣虛。肌膚不仁。手足麻木。用三痺湯。若腎水虧損。不能滋養筋骨。或肝脾血虛。而筋痿痺。用六味丸。服燥藥而筋攣者。用四物。生甘草。氣血俱虛。用八珍湯。何醫林集要等方。新刊丹溪心法附錄云。若人大拇指麻木不仁。或手足少力。或肌肉微掣。三年內必有大風之症。宜先服八風湯。天麻丸。防風

通聖散以預防之。殊不知河間云。風者病之末也。所以中風有癱瘓者。非謂肝木之風內中。亦非六淫風邪外襲。良由五志過極。心火熾盛。腎水虛衰。卒倒無知也。治當以固元氣爲要。若遽服八風等藥。則反傷元氣。適足以招風取中。仍參本卷首論主治。

附治驗

一婦人因怒。吐痰胸滿。服二陳順氣化痰之劑。半身不遂。內熱口乾。形氣殊倦。余視之。乃肝火熾盛而侮脾土也。用逍遙散。補中益氣湯。六味地黃丸。喜其慎疾。年餘而愈。

一孀婦胸脇脹痛。內熱晡熱。月經不調。肢體痠麻。不時吐痰。或用清氣化痰藥。喉間不利。白帶腹脹。又用清熱理氣藥。胸膈不寬。肢體時麻。余曰。此本鬱怒傷肝。脾前藥傷甚耳。朝用歸脾湯。以解鬱結。生脾氣。夕用加味逍遙散。以生肝血。清肝火。百餘劑而愈。後因怒。肢體復麻。用補中益氣。加山梔、茯苓、半夏而痊。後復怒。病再作。月經如注。脈浮洪而數。此肝火傷脾。不能攝血所致也。用六君、芎歸、炮薑一劑而血止。用補中益氣湯。加炮薑、茯苓、半夏一劑而胃醒。更用歸脾湯。

逍遙散。調理而痊。

一婦人頭暈吐痰。用化痰理氣藥。肢體或麻。服祛風化痰藥。肢體常麻。手足或冷。或熱。此脾土虛而不能生肺金。用補中益氣。加茯苓、半夏、炮薑二十餘劑。脾氣漸復。諸症稍愈。更用加味逍遙散三十餘劑而愈。後因怒吐痰。自服清氣化痰丸。飲食不進。吐痰甚多。胸脇脹滿。余用六君子倍加參朮。少加木香。數劑而安。

三痺湯 治血氣凝滯。手足拘攣。風痺等疾。

續斷 酒浸

杜仲 去皮切

防風

桂心

細辛

人參

白茯苓

當歸

白芍藥 炒

黃耆 炒

牛膝 酒浸

甘草 五分

秦艸

生地黄

川芎

獨活 各三分

薑水煎服。

五痺湯 治風寒濕氣。客留肌體。手足緩弱。麻痺不仁。

片薑黃

羌活

白朮

防己 各一錢

甘草 炙五分

右薑水煎服。

東垣羌活湯 治濕熱身重。或眩暈麻木。小便赤澀。下部痿軟。不能行履。

羌活

防風

柴胡各一錢

薑本

獨活

茯苓

澤瀉

猪苓

黃耆炒

甘草炙

陳皮

黃柏酒炒

黃連炒

蒼朮

升麻

川芎各五分

右水煎服。

甘草附子湯 治風濕相搏。骨節煩疼。不時抽痛。不能伸屈。抑之則痛劇。汗出短

氣。小便不利。惡風不欲去衣。或微腫痛。

甘草炙

附子一枚重一兩三四錢方是炮去皮尖不真不效

白朮炒一兩

桂枝二兩

右每服五錢。水煎。

八珍湯 治肝脾氣血俱虛。不能養筋。以致筋攣骨痛。或不能行履。或發熱晡熱。

寒熱往來等症。

加味逍遙散 治肝經風熱。血燥筋攣。肢體不遂。內熱晡熱等症。

歸脾湯 三方見二十四卷第四論

六味丸 方見二十四卷第十六論

四物湯

補中益氣湯

六君子湯 三方見二十四卷第六論

婦人中風自汗方論第六

右方續命、排風、越痺等湯。皆用麻黃。取其發汗而散風邪也。然而無汗者為宜。若自汗者用之。則津液轉脫。反為大害。故仲景云。中風自汗。用桂枝湯。發搖。口眼喎動。遍身出汗。用獨活湯。續命煮散。以復榮衛而却風邪。

愚按前症若腠理不固而自汗者。用桂枝湯。或防風白朮牡蠣湯。若過服風藥而自汗者。用白朮防風湯。若陽氣虛弱而自汗者。用膏附湯。若兼盜汗。用補中益氣湯送六味丸。如不應。用當歸大黃湯。

獨活湯 治風虛昏憤。手足痠癢發熱。及中風自汗等症。

獨活

羌活

人參

防風

當歸

細辛

茯苓 神去木

半夏

桂心

白薇

遠志去心

菖蒲

川芎各五分

右薑水煎服。

續命煮散 治風氣昏憤。四肢無力。口眼瞤動。或時搖擗。或津液不足。渴飲熱湯。

及產後中風自汗等症。

防風

獨活

當歸

人參

細辛

葛根

芍藥炒

川芎

甘草炒

熟地黄自製

半夏

遠志去心

荆芥穗各半

桂心七錢

右每服五七錢。薑水煎。汗不止。加牡礪粉五分。

防風白朮牡礪散 治中風氣虛。腠理不密。自汗不止等症。

白朮炒

牡礪煨

防風等分

右為末。每服二三錢。米飲下。日三服。如不止。服黃耆建中湯。

附方

柴胡桂枝湯 治傷風發熱自汗。或鼻鳴乾嘔。或痰氣上攻等症。

桂枝二錢 黃芩炒 人參 白芍藥錢炒各半

甘草炙 半夏薑製 生薑各一錢 柴胡四錢

大棗二枚

右作一劑。水煎服。

白朮防風湯 治服表藥過多而自汗者。

白朮炒 黃耆炒各二兩 防風一兩

右每服五七錢。水煎溫服。朮應倍之。

耆附湯方見十九卷第六論 補中益氣湯方見二十四卷第六論 六味丸方見二十四卷第十一論

當歸六黃湯方見十九卷第六論

婦人筋脈痠癢方論第七新附

醫學綱目云。痠者筋脈急也。癢者筋脈緩也。急則引而縮。緩則縱而伸。或縮或伸。動而不止者。名曰痠癢。俗謂之發搐是也。凡癩癩、風痙、破傷風、三症。皆能痠癢。但

癲癩則仆地不省。風痙痲瘓。則角弓反張。破傷風痲瘓。則有瘡口。竊謂痲者。屬肝經風熱血燥。或肝火妄動。血傷痲者。屬肝經血氣不足。或肝火汗多亡血。以致手足伸縮不已。抽搐不利。若因風熱血燥。用羚羊角散。加鈎藤鈎。山梔。若肝火妄動。用加味四物湯。加鈎藤鈎。山梔。若肝經血氣不足。用八珍湯。加鈎藤鈎。山梔。若肝火亡血。用加味逍遙散。加鈎藤鈎。山梔。如不應。須用六味丸。以補腎水。生肝木爲主。佐以前劑治之。若其脈長弦者。是肝之本脈也。則易治。其脈短澁者。是肺金尅肝木也。則難治。其面色青中見黑者。是水生木也。當自愈。青中見白者。是金尅木也。必難愈。

附治驗方藥

一婦人素口苦。月經不調。或寒熱。妊娠五月。兩臂或拘急。或緩縱。此肝火傷血所致也。用四物加柴胡。山梔。丹皮。鈎藤鈎。治之而愈。

一姪婦因怒寒熱。頸項動掉。四肢抽搐。此肝火血虛風熱。用加味逍遙。加鈎藤鈎。數劑而痊。

附方

羚羊角散

方見二十四卷第二論

加味四物湯

方見二十四卷第六論

八珍湯

加味逍遙散

二方見二十四卷第四論

六味丸

方見二十四卷第十一論

婦人顫振方論第八 新附

黃帝曰。人之顫者。何氣使然。岐伯曰。胃氣不實。則諸脈虛。諸脈虛。則筋脈懈墮。筋脈懈墮。則行陰。用力不復。故爲顫。因其所在。補分肉間。醫學綱目云。顫振與瘈瘲相類。瘈瘲則手足牽引。而或伸或屈。顫振則但顫動而不伸屈也。胃虛有痰。用參朮以補氣。茯苓半夏以行痰。如實熱積滯。用張子和三法。

愚謂顫振者。掉眩也。易曰。鼓萬物者。莫疾乎風。鼓之爲言動也。大抵掉眩。乃風木之搖運也。諸風掉眩。皆屬於肝。治法若肝木實熱。用瀉青丸。肝木虛熱。用六味丸。肺金尅肝木。用瀉白散。肝木虛弱。用逍遙散。加參朮。鈎藤鈎。脾血虛弱。用六君子。加芎歸。鈎藤鈎。胃氣虛弱。用補中益氣湯。加鈎藤鈎。若產後顫振。乃氣血虧損。虛火益盛而生風也。切不可爲風論。必當大補。斯無誤矣。

附治驗方藥

一婦人性善怒發熱。經水非過期。則不及。肢體倦怠。飲食少思而顫振。余以為脾氣不足。肝經血少而火盛也。午前以調中益氣湯。加茯苓。貝母。送六味丸。午後以逍遙散。送六味丸。兩月餘而愈。

一婦人身顫振。口妄言。諸藥不效。余以為鬱怒所致。詢其故。蓋為素嫌其夫。而倉怒久矣。投以小柴胡湯。稍可。又用加味歸脾湯而愈。

附方

海藏愈風湯 治產後一切失血過多。及汗後中風。搐搦。方見十九卷第十二論

交加散 治瘰癧。或顫振。或產後不省人事。口吐痰涎。

當歸 荆芥穗等分

右為細末。每服三錢。水一盞。酒少許。煎至七分。灌下咽。即有生理。

增損柴胡湯 治產後或經適斷。致手足牽搐。咬牙昏冒異症。

柴胡 八錢 黃芩 炒四錢 半夏 炒三錢 石膏 四錢

知母 二錢 黃耆 炒五錢 甘草 二錢

右為粗末。每服半兩。薑五片。棗四枚。水煎溫服。

本事青鹽丸 治肝腎虛損。腰膝無力。顫振躓曳。

苗 香末三

兔絲子末四

乾山藥末二

青鹽一兩

右先將兔絲子洗淨。無灰酒浸晒七日。冬天近火煨炙乾。另為細末。和勻。酒糊丸。梧子大。每服五七十九。溫酒或鹽湯下。常服壯筋力。進飲食。一婦人素患足躓曳。久服此藥。履地如故。

本事星附散 治中風能言而手足躓曳。脈虛浮而數。

天南星

半 夏二味薄切片

黑附子

白附子炮

川烏炮

白僵蠶炒

沒藥

人參

白茯苓各等分

右為粗末。每服二錢。酒水各一盞。同煎至八分。去滓。熱進三三服。汗出即瘥。

在桐廬有患此症。用前藥三服得汗。手足即能舉物。

三因獨活散 治氣虛感風。或驚恐相乘。肝膽受邪。使上氣不守正位。致頭招搖。

手足顫掉。漸成目昏。

獨活

地骨皮

細辛

芎藭

菊 花甜味

防 風去叉

甘 草炙等

右爲粗末。每服三錢。水盞半。煎至一盞。去滓。煎取清汁六分。入竹瀝少許。再煎一二沸。食後溫飲。日二服。

世傳茯苓丸 治手臂抽牽。或戰掉不能舉物。服此藥立愈。又治臂痛如神。方見後并註兼治之法。

附方

補中益氣湯 方見二十四卷第六論

六味丸 方見二十四卷第十一論

加味歸脾湯

逍遙散 二方見二十四卷第四論

小柴胡湯 方見二十四卷第二論

婦人風寒臂痛方論第九

婦人臂痛。或筋脈攣急。遇寒則劇者。繇肝氣虛弱。風寒客於經絡。故其脈緊細。宜用柏子仁丸。舒筋湯。若臂痛而不能舉。或痛無定處。此脾虛邪氣相搏。中脘伏痰。故其脈沉細如此。宜用茯苓丸。控涎丹主之。

愚按前症若肝血虛。用加味逍遙散。中氣虛。用補中益氣湯。血氣俱虛。用八珍

湯。風熱血燥。用秦艽地黃湯。脾腎虛寒。用柏子仁丸。脾胃實熱。用茯苓丸。水不能生木。用六味丸。逍遙散。怒動肝火。用小柴胡。加川芎、當歸。眩暈晡熱。用四物。柴、梔、丹皮。晡熱。月經不調。用加味逍遙散。食少體倦。無寐盜汗。用加味歸脾湯。

附治驗

先太宜人遍身作痛。筋骨尤甚。不能屈伸。口乾目赤。頭眩痰壅。胸膈不利。小便赤短。夜間殊甚。遍身作癢如蟲行。此屬肝腎氣虛而熱也。用六味地黃丸料。加山梔、柴胡而愈。

柏子仁丸

柏子仁 二兩

熟地黃 自製二兩

茯苓

枳殼 去穢炒

覆盆子 炒

五味子 杵炒

附子 炮

石斛 酒蒸炒

鹿茸 酥炙

酸棗仁 炒

桂心

沉香

黃耆 各一兩 蜜水

右為末。煉蜜丸。桐子大。每服三十丸。空心溫酒下。

舒筋湯 治風寒所傷。肩臂作痛。及腰下作痛。又名五痺湯。

片薑黃 一錢

甘草 炒

羌活 各三分

白朮

海桐皮

當歸

赤芍藥 各五分

右水煎服。

茯苓丸 治脾氣虛弱。痰邪相搏。停伏中脘。以致臂內筋脈攣急而痛。

茯苓 二兩

半夏 薑製 二兩

枳殼 半兩

風化朴硝 一兩

右為末。薑汁糊丸。桐子大。每服二十九。食後薑湯下。

控涎丹 凡人忽胸背手足頭項腰膝牽痛不定。或頭痛昏倦。痰唾稠粘。喉中鋸

聲。手脚重痺。此痰涎伏於胸膈也。宜此治之。

甘遂 去心

大戟 去皮

真白芥子 各等分 炒

右為末。糊丸。桐子大。臨臥薑湯下五七丸。痰盛服十丸。

白芥子散 治臂痛牽引背脾。或輟或作。絲榮衛循行失度。痰滯經絡。或似癱瘓。

真白芥子

木鱉子 各三兩 炒

沒藥 另研

桂心

木香 各半

右為末。每服一錢。溫酒下。

愚按前三方脾氣虛弱者必佐以六君子湯。中氣虛弱者必佐以補中益氣湯。血虛者必佐以八珍湯。脾氣鬱滯者必佐以歸脾湯。肝經怒氣者必佐以逍遙散。若專用前方治之。胃氣益虛。病氣益甚。不可不謹。

流氣飲。治七情氣滯。胸脇悶痞。咽喉不利。嘔喘面浮。二便不調。或氣攻肩背。脇肋作痛。或脚氣喘急。腹脹便閉。元氣充實者。宜用此藥慎之。

紫蘇葉

黃耆炒

青皮去白

當歸

半夏薑製

烏藥

芍藥炒

茯苓

桔梗

防風各五錢

川芎

陳皮各七錢

枳實炒

木香二錢五分

甘草炙五分

大腹子薑製一兩

右每服半兩。薑棗水煎服。

交加散方見前

四物湯。治血滯中風。血虛手足不遂。如臂痛。加紅花煎。方見前

交加散。加木瓜、牛膝。治冷脾。肩臂作痛。即人參、敗毒和五積散。

烏藥順氣散。加羌活、木瓜。治外邪氣滯。筋骨作痛。或痰氣不利。

附方

秦艽地黃湯 治肝膽經風熱血燥。肩臂疼痛。或筋脈引急。或時牽痛。其內症發熱。或寒熱晡熱。月經不調。或肢體酸痛等症。

秦 艽

熟地黃 自製

當 歸 各一

川 芎

芍 藥

牡 丹

白 朮

茯 苓 各一

鈎藤鈎 一錢

柴 胡

甘 草 炙 各二分

水煎服。

逍遙散

加味逍遙散

加味歸脾湯

八珍湯

四方見二十卷第四論

六味丸

方見二十四卷第十一論

小柴胡湯

方見二十四卷第二論

四物湯

補中益氣湯

二方見二十四卷第六論

婦人賊風偏枯方論第十

論曰。賊風偏枯。其狀半身不遂。肌肉枯瘦。骨間作痛。經云。汗出偏枯。如樹木一枝。津液不到。則枯槁。被風所害。古人有云。醫風先醫血。血行風自滅。治法當用大八

風湯增損茵芋酒續斷湯以養其血。則風自祛矣。

愚按醫風先醫血。此論得之。大抵此症。多因胎前產後。失於調養。以致精血乾涸。肝木枯槁。治法當滋其化源。考之生氣通天論曰。風客注氣。精乃亡。邪傷肝也。陰陽象大論曰。風氣通於肝。風搏則熱盛。熱盛則水乾。水乾則氣不榮。故精乃亡。此風病之所由作也。

附治驗

一婦人性善怒。常自汗。月經先期。余以為肝火血熱。不信。乃泛用降火之劑。反致月經過期。復因勞怒。口噤呻吟。肢體不遂。六脈洪大。面目赤色。用八珍、麥門、五味、山梔、丹皮、數劑漸愈。兼用逍遙散、六味丸各三十餘劑全愈。

大八風湯 治中風偏枯失音不語時復恍惚或昏憤發熱。

- 當歸 杏 仁去皮尖 甘草炒 桂心
- 乾薑炮各二兩 五味子杵炒 升麻各二兩 川烏炮去尖
- 黃芩炒 芍藥炒 獨活 防風
- 川芎 麻黃去節 秦艽 石斛去根

茯 神去木 石 膏 黃 耆炒 紫 苑各一

大 豆皮二兩去尖

右每服五錢水煎服。

續斷湯

當 歸三兩 陳 皮 芍 藥炒 細 辛各一

生 地 黃二兩 續 斷酒浸

右每服五七錢水煎。臟寒下痢加熟附子一兩。

金生虎骨散 治半身不遂肌肉乾瘦忌用麻黃發汗恐津液枯竭。惟當潤筋養

血消風。

當 歸二兩 赤 芍 藥 續 斷酒浸 白 朮

藁 本 虎 骨炙各五兩 烏 蛇 肉炙半兩

右為末。每服二錢酒調。骨痛加生地一兩。自利加天雄半兩。

虎脛骨酒 治中風偏枯四肢不隨一切風痺筋脈攣拳。

石 斛 石 楠 葉 防 風 虎 脛 骨炙

當歸

續斷酒浸

茵芋葉

芎藭

杜仲炒

巴戟去心

牛膝酒浸

狗脊各一兩

右以絹囊盛藥。用酒一斗。浸十日。每服一盞。溫飲。

附方

入珍湯

逍遙散二方見二十四卷第四論

六味丸方見二十一論

婦人偏風口喎方論第十一

論曰。偏風口喎者。因體虛受風。而入足陽明胃經。蓋足陽明之經。上夾於口。風乘之。其筋偏急故也。

愚按前症當參本卷首論治之。

附治驗方藥與前諸治驗參看

一婦人懷抱鬱結。筋攣骨痛。喉間似有一核。服烏藥順氣等藥。口眼歪斜。臂難伸舉。痰涎愈多。內熱晡熱。食少體倦。余以爲鬱火傷脾。血燥生風。用加味歸脾湯二十劑。形體漸健。飲食漸進。又用加味逍遙散十餘劑。痰熱少退。喉核少消。更

用升陽益胃湯數劑。諸症漸愈。但臂不能伸。此肝經血少而筋攣耳。用六味地黃丸。以滋腎水生肝血而愈。

附方

升陽益胃湯 治脾胃虛弱。肢體怠惰。或體重節痛。口舌乾渴。飲食無味。大便不調。小便頻數。飲食不消。兼見肺病。洒淅惡寒。悽慘不樂。乃陽氣不和也。

羌活

獨活

防風各五錢

柴胡

白朮

茯苓各三錢不用

澤瀉各三錢

人參

黃連炒

陳皮各四錢

右每服三五錢。薑棗水煎。早溫服。如小便愈而病益加。是不宜利小便也。當少

減茯苓。澤瀉。

加味歸脾湯

加味道遙散

二方見二十四卷第四論六味丸卷第十一論

婦人怔忡驚悸方論第十一

夫心藏神。為諸臟之主。血氣調和。則心神安靜。若勞傷心血。外邪乘襲。則心神驚

悸恍惚。憂懼不安。用排風湯治之。

愚按丹溪先生云。驚悸者血虛。用硃砂安神丸。痰迷心竅。用定志丸。怔忡者。屬火屬痰。思慮便動者。屬虛。時作時止者。火動也。假如病因驚而致。驚則神出其舍。痰乘而入矣。蓋人之所主者心。心之所養者血。心血一虛。神氣不守。此驚悸之所由作也。治當調養心血。和平心氣而已。金氏婦。暑月赴筵。因坐次失序。自愧成病。言語失倫。兩脈弦數。余曰。當補脾導痰清熱。不信。以數巫者。噴水呪之而死。或謂病既無邪。以邪治之。何至於死。予曰。暑月赴筵。外受蒸熱。辛辣適口。內傷鬱熱。而況舊有積痰。加之愧悶。其痰愈盛。又驚以法尺。益驚其神。而氣血不寧。噴以法水。閉其肌膚。而汗不得泄。內燔則陰既消。而陽不能獨立。不死何待。故滑伯仁先生云。若膽氣虛寒。用茯苓湯。膽氣實熱。用酸棗仁丸。心氣虛熱。用定志膏。茯苓補心湯。心氣實熱。用硃砂安神丸。茯苓散。

附治驗方藥

文學歸雲橋內。月事不及期。忽崩血昏憤。發熱不寐。或謂血熱妄行。投以寒劑。益甚。或謂胎成受傷。投以止血。亦不效。余曰。此脾氣虛弱。無以統攝故耳。法當補

脾而血自止。用補中益氣。加炮薑。不數劑而驗。惟終夜少寐驚悸。別服八物湯。不效。余曰。雜矣。乃與歸脾湯加炮薑。以補心脾。遂如初。

一婦人勞則心跳怔忡。寒熱往來。用歸脾湯為主。佐以八珍湯。諸症漸愈。又用加味逍遙散。寧志丸而安。後復作。服歸脾定志二藥即愈。

一婦人患驚悸怔忡。日晡發熱。月經過期。飲食少思。用八珍湯加遠志、山藥、酸棗仁。三十餘劑。漸愈。佐以歸脾湯全愈。後因勞發熱。食少體倦。用補中益氣湯。又因怒。適月經去血不止。前症復作。先以加味逍遙散。熱退經止。又用養心湯。治之而痊。

一婦人驚悸怔忡無寐。自汗盜汗。飲食不甘。怠惰嗜臥。用歸脾湯而愈。至年餘。懷抱鬱結。患前症。兼衄血便血。仍用前湯而愈。

茯神散 治五臟氣血虛弱。驚悸怔忡。宜用此安神定志。

茯神去木 人參 龍齒方研 獨活

酸棗仁炒各三錢 防風 遠志去心 桂心

細辛 白薇炒各三錢 乾薑炮各三兩

右爲末。每服四五錢。水煎服。或蜜爲丸服。

茯苓補心湯 治心氣不足。善悲愁怒。衄血面黃。五心煩熱。或咽喉痛。舌本作強。

茯苓四兩 桂心 甘草三兩各 紫石英煨

人參各一兩 大棗二十枚 麥門冬三兩去心 赤小豆四兩

右水七升。煎二升半。分三服。

茯神湯 治膽氣虛冷。頭痛目眩。心神恐畏。不能獨處。胸中煩悶。

茯神去木 酸棗仁炒 黃耆炒 柏子仁炒

白芍藥炒 五味子一兩并炒各 桂心 熟地黃自製

人參 甘草半兩各

右每服五錢。薑水煎。

酸棗仁丸 治膽氣實熱。不得睡臥。神思不安。驚悸怔忡。

茯神去木 酸棗仁炒 遠志去心 柏子仁炒

防風各一兩 枳殼麸炒 生地黃半兩并膏各 青竹茹二錢

右爲末。煉蜜丸。桐子大。每服七八十丸。滾湯下。

定志丸 治心神虛怯。所患同前。或語言鬼怪。喜笑驚悸。

人參 茯 苓 各一兩 菖 蒲 遠 志 去心各

右為末。蜜丸。如前服。

養心湯 治心血虛。驚悸怔忡不寧。或盜汗無寐。發熱煩躁。

黃 耆 炒 白 茯 苓 茯 神 去木 半 夏 麩

當 歸 酒 拌 川 芎 各半 辣 桂 去皮 柏 子 仁

酸 棗 仁 炒 五 味 子 杵 炒 人 參 各三 甘 草 炙四

右每服三五錢。薑棗水煎。

硃砂安神丸 治心經血虛頭暈。心神驚悸等症。

硃 砂 飛過 黃 連 酒洗 甘 草 炙五 生 地 黃

當 歸 各一錢 五 分

右為末。飯糊為丸。每服十五丸。如一二服不應。當服歸脾湯補之。

治要茯苓散 治心經實熱。口乾煩渴。眠臥不安。或心神恍惚。

麥 門 冬 茯 神 各一兩 通 草 升 麻 各一兩 二 錢 半

赤石脂錢一兩七分五

知母一兩

大棗十二

紫苑

桂心各七錢五分

淡竹茹五錢

每服一兩水煎。

補中益氣湯

方見二十四卷第六論 歸脾湯

八珍湯

加味逍遙散

三方見二十四卷第四論 寧志丸方見後

婦人失血心神不安方第十三原無論

竊謂前症若脾肝鬱熱。用加味逍遙散。脾肝鬱結。用加味歸脾湯。脾胃虛弱。氣血不足。用八珍湯。十全大補湯。脾肺虛弱。氣血不足。用補中益氣湯。六君子湯。痰氣鬱滯。用六君桔梗貝母。如不應。審係氣虛。但補脾胃。如不應。用獨參湯。如惡寒發熱。屬氣血俱虛。內熱晡熱。屬血虛。作渴面赤。是血脫煩躁。皆宜甘苦之劑。以補陽氣而生陰血。經云。血脫補氣。若用寒涼之劑以降火。則誤矣。仍審所屬之因而治之。

寧志膏 治失血心神不安。言語失常。不得安睡等症。

辰 砂另研 酸棗仁炒 人參 白茯苓

琥 珀另研各 滴乳香一錢

右爲末。每服一錢。煎棗湯。空心調下。

附方

妙香散 治心氣不足。精神恍惚。虛煩少睡。盜汗等症。

甘 草炒五錢 遠志去心炒 辰 砂別研 麝 香另研

人 參五錢 山 藥薑汁炙 木 香煨二錢 茯 苓

茯 神去木 黃 耆各一兩 桔 梗五錢

右爲末。每服二錢。溫酒調。

茯神湯方見前

溫膽湯 治膽虛痰熱。驚悸不眠。

半 夏 枳 實醋炒 竹 茹各二兩 陳 皮

生 薑四兩 甘 草炒三兩

右每服一兩。水煎。

半夏湯 治膽腑實熱。精神恍惚。寒熱泄瀉。或寢汗憎風。善太息。

半夏五分 黃芩一錢 遠志一錢 生地黃二錢

秫米一合 酸棗仁炒三錢 縮砂五分

右長流水煎服。

獨參湯 治元氣虛弱。惡寒發熱。或作渴煩躁。痰喘氣促。或氣虛卒中。不語口噤。

或痰涎上湧。手足逆冷。或難產產後。不省喘急。用好人參二兩。或三四兩。炮薑

五錢。一劑。水煎。徐徐服。蓋人參性寒。故薑佐之。如不應。急加炮附子。

加味逍遙散 加味歸脾湯 八珍湯

十全大補湯四方見二卷第四論 補中益氣湯 六君子湯四方見二卷第六論

婦人風邪顛狂方論第十四

婦人顛狂。繇血氣虛而風邪所乘。若邪并於陰。則發狂。邪并於陽。則發顛。夫顛者。卒發而意不樂。直視仆地。吐湧涎沫。口喎目急。手足撩戾。無所知覺。良久而甦。狂者。少臥不飢。自高賢。自辯智。自貴倨。妄笑歌樂。妄行不休。素問云。陽厥狂怒。飲以

鐵落。狂怒出於肝。肝屬木。鐵落金也。以金制木之意。

一婦人眼見鬼物。言語失當。循衣直視。或作心病治之。無效。投養正丹二服。煎乳香。送三生飲立愈。養正丹三生飲方見本卷第一論

愚按前症劉宗厚先生云。有在母腹中受驚者。或有聞大驚而得者。蓋驚則神不守舍。舍空則痰涎歸之。或飲食失節。胃氣有傷。痰停胸膈而作。當尋火尋痰。固元氣。若頑痰膠固上膈。必先用吐法。若在腸胃。亦須下之。竊謂此症若因元氣虛弱。或痰盛發熱等。皆是虛象。如慢驚症無風可祛。無痰可逐。但補脾胃。生氣健旺。神智自清。痰涎自化。若誤用辛散祛逐腦麤之劑。必為敗症。

附治驗

一婦人素清苦。因驚而癩。或用風痰等藥。愈甚。余用參耆歸朮濃煎。佐以薑汁。竹瀝三斤餘。方愈。仍參十八十九卷在言謔語乍見鬼神方

防風茯苓散 治風顛啼泣歌笑。或心神恐懼。或語言失常。

防風

茯苓 神去木

獨活

人參

遠志去心

龍齒

菖蒲去毛

石膏

牡蠣一兩各

秦艸

禹餘糧服

桂心各五錢

甘草三分

蛇蛻一條

右每服五錢水煎服。

排風湯

牛黃清心丸

治諸風緩縱不隨。言語蹇澁。痰涎壅盛。怔忡健忘。或發癲狂。見本方

卷首論

婦人飛尸血厥方論第十五

夫飛尸者。遊走皮膚。穿行臟腑。每發刺痛。變作無常。遁尸者。附骨入肉。攻通血脈。見尸喪。聞哀哭便發。風尸者。淫濯四肢。痛而昏沉。得風雪便作。沉尸者。纏骨結臟。內腫心脇。發而絞通。遇寒冷便作。注尸者。舉身沉重。精神錯雜。時覺昏憤。每至節氣便作。並宜蘇合香丸治之。

愚按丹溪云。凡人忽手足逆冷。肌膚起如米粒。頭面青黑。精神恍惚。或錯言妄

誤。或牙關緊急。或昏寐仆倒。吊死問喪。入廟登墓。多有此病。先以蘇合香丸灌之。次服調氣散。平胃散。玉機微義云。卒厥飛尸。客忤鬼擊。口噤。用麻黃湯。寒厥表熱裏寒。則下利清穀。食入則吐。脈沉。手足冷。用四逆湯。熱厥腹滿。身重難轉。面垢。譫語。遺溺。手足厥冷。自汗。脈沉滑。用白虎湯。若人身忽然不動。目閉口噤。惡聞聲音。眩冒。頃時方寤。此絲出汗過多。氣併於血。陽獨上而不下。氣壅塞而不行耳。氣過血還。陰陽復通。移時方寤。名曰鬱冒。亦名血厥。宜服白薇湯。倉公散。

附治驗

錦衣楊永興。舉家避眚。有僕沉醉失避者。既而神思昏昧。遍身青傷。各煎金銀藤湯灌之。卽愈。

一婦人忽昏憤發譫語。自云爲前謀賴某人銀兩。某神責我。將你起解。往城隍理問。兩腳踝膝臀處皆青腫。痛不可忍。口稱苦楚。次日方甦。痛尙不止。用金銀藤兩許。水煎服。卽愈。

一婦人入古墓。患前症。以紫金錠灌之。卽甦。通政余子華。太常汪用之。皆因往吊。

而卒死喪家。想卽是症。

蘇合香丸 方見本卷 第四論

白薇湯

白薇

當歸 各一兩

人參

甘草 一錢

右每服五錢。水煎。

倉公散 治卒中鬼擊。心腹如刺。下血不省。及臥覺嚙脚指不覺。并諸毒等症。

皂莢

黎蘆

雄黃 研

礬石 煖研各等分

右每用少許。吹入鼻中。未嚏再吹。以得嚏為度。

內鼻散 治尸厥脈動靜而若死。用石菖蒲末。吹鼻中。仍以桂尖安於舌上。蘇合

可亦

硫黃散 治尸厥不省。四肢逆冷。腹中如雷鳴。或痰氣不降。

焰硝 半兩

硫黃 一兩各另為細末

右每服三分。酒調灌之。良久再服卽甦。

附方

麻黃湯 治寒厥或傷寒。惡風發熱。身疼無汗者。

麻黃六錢

桂枝四錢

甘草二錢

杏仁二十枚炒

右作一劑。水煎服。

調氣散 治氣厥不省。或痰氣上壅。及治氣滯胸膈不利。

白豆蔻

丁香

檀香

木香各二錢

藿香

甘草六錢

砂仁四錢

右爲末。每服二錢。入鹽少許。沸湯調下。

四逆湯

白虎湯二方見七卷第二論

神仙追毒丸又名紫金錠又名太乙丹能解一切毒。或狐狸、莽草、毒菌、河魴、疫

毒。死牛馬肉毒。或蛇犬惡蟲所傷。及鬼怪惡瘡等毒。或二廣斷腸草蛇毒化菌等

毒。

文蛤即五倍子。洗焙爲末。三兩。

山茨菰去皮淨末。二兩。麝香二錢。另研。

千金子一名續隨子。去殼。研去油。一兩。

紅牙大戟去蘆蒂。爲末。一兩半。

右用糯米濃飲。和作四十粒。用井華水。或薄奇湯磨服。利一兩次。用粥止之。修

合須端午、七夕、重陽。或天德、月德日。於淨室焚香修製。效驗不能具述。宜珍藏之。凡人居家出入。不可無此藥。嶺外有婦。與旅合陰。以定年。藥置食中。且戒之。曰。子幾時來。果從其言。彼復以藥解之。可無恙。若過期不往。必死。若遇此毒。及前一應諸毒。服前藥一粒。或吐。或下。卽愈。昔有女子勞瘵。爲尸蟲所噬。磨服一粒。吐下小蟲。更服蘇合香丸。遂愈。若菌蕈、菰子、砒石。時行瘟疫。山嵐瘴氣。自縊溺水。打折傷死。瘀血內滯。心頭微溫。用薑湯磨灌一粒。可甦。其急喉閉。纏喉風。脾腫赤眼。癰疽發背。諸瘡。湯火所傷。用東流水磨塗并服。顛邪鬼氣。鬼胎。煖酒磨服。余謂喉閉以下諸症。果能灼見。形病俱實。乃可用之。

校註婦人良方 卷三 衆疾門 婦人飛尸血厥方論第十五

六四

